







5. 10. 87









AT

GENVA,

SIVE

DOMINII, GVBERNATIONIS;
POTENTIÆ, DIGNITATIS,

Serenissimæ Reipublicæ
GENVENSIS.

Compendiaria Descriptio .

AVCTORE

HIERONYMO DE MARINIS
PATRITIO GENVENSI.



GENVÆ,

Excudebat Petrus Ioannes Calenzanus,

ANNO M. DC. LXVI.

Superiorum facultate .

5
10
87





*IMMACULATÆ
VIRGINI DEIPARÆ
DOMINÆ.*



Benedicta tu, Sanctissima Virgo, ac Domina, quę nunquam amouisti misericordiam tuam à nobis. Vt enim taceam de alijs perennibus, maximisq; beneficijs; Misericordię tuę, Domina, quia non fuimus à pestilentia bis, terq; consumpti. Etenim exitialis morbus, anno vigesimo octauo supra millesimũ

A 2 quin.

quingentesimum, nos crudeliter vexasse minimè contentus; post annos fermè quinquaginta nos rursus afflixit. Ad te confugit Respublica supplex, ac tuæ Immaculatę Conceptioni ædem sacram, solennesq; publicas supplicationes vouit: confestim morbus abscessit. Post simile integri Iubilæi spatiū omnes ditiones conterminas eadem pestis sequiter depascitur; imò multifariam in fines nostros irrumpit, nec procul ab Vrbe. Respublica, vota olim nuncupata repetens, cum tota ferè ditione seruatur illęsa. Iam verò impium

pium fuisset, vel stolidum;
 bona nostra non intelligere,
 tantæq; dignationi tuæ pari
 spe non respondere. Ideo
 paulo post Respublica Te,
 VIRGINEM MATREM, elegit
 in Dominam, imaginem tuâ
 in Ara augustiori; quasi in
 sublimi arce locauit, atque
 ad sanctissimos pedes tuos
 prouoluta, humiliter adora-
 uit. Annè frustra? Haud ita
 multo post, pestilentia illam
 non iam depascente, sed ferè
 penitus deuorante. Tu, Im-
 maculata VIRGO, publico
 Templi voto, atq; pia sup-
 plicatione exorata, illam ab
 excidio liberaſti: Et ni præ-


404 A 3 potens

potens dextera tua laboran-
tem cum maxime Ligustica
nauem, quasi sacra anchora,
tenuisset, illa, suis met impa-
cta cautibus, & illisa; post ip-
sum Oceanum triumphatu,
in proprio sinu suo passura
fuit miserrimum a sicca te-
pestate naufragium. Hæc
omnia aliquando intentius
contemplanti mihi, visum
est, non modò rationi con-
sentaneum, sed debitum iu-
stitiæ, Tibi, Intaminatæ Vir-
gini, palàm incolumitatis
publicæ beneficium acceptu
referre, & breuem Genuen-
sis Reipublicæ descriptionē,
quasi votiuam tabellam, ad
tuos


tuos pedes deferre. Tu, Potentissima, dominaris potestataris, Tu terris omnibus moderaris, Tu nimborum, ac tempestatum humanarum quarumcumq; potes es, Tu tenes sceptrum Cælorum, Tu Omnipotentis voce tonas, ad quam vocem, cælestes spiritus omnes, Virtutes, Potestatesq; conveniunt, Tu deniq; subditis tuis Deum placas, atq; concilias. Tu ergò eosdem subditos ad leges tuas omninò compone: Tu nos non nobis serua, sed tibi; imò nobis, quia tibi: & posthac discant, qui Regna capiunt, nedum

A 4 ser-

seruire DEO regnare esse;
sed Tibi, DEI Genitrici,
seruire, longè melius esse, ac
magnificentius, quam re-
gnare. Salue Regina, & nos,
vt verbis Ignatij martyris,
ad te scribentis vtar, *Ex te,
& per te, & in te confortemur.*
Vtinam à te idē, quod Igna-
tius, responsum accipiamus,
scilicet, *Exultet Spiritus ve-
ster in Deo salutari vestro.*



APPRO.



APPROBATIO.

EGO *infrascriptus de mandato Reuerendiss. P. Mag. Michaelis Pij Passi de Boscho Inquisitoris Generalis in toto Dominio Sereniss. Reipublicæ Genuensis accurate perlegi librum hunc de eadem Republica, & ut nihil deprehendi fidei, vel bonis moribus absonum, ita nihil occurrit non dignum laudibus Lectoris, nedum labore Typographi: suspiciens, vel suspicans Taciti stylum, tacenda non censui Auctoris Encomia.*

Per illum Romam, Genuam per istum, solum Fortuna minorem,

*paruo excreuisse papyro cōclusi.
Claudo hic tamen, ne dum alie-
na excudenda reuideo, videar
intrudere mea. Datum in Con-
uentu S. Dominici Genue die
5. Iannarij 1666.*

*Fr. Seraphinus Pizzinardus Lector
Primarius Theologiæ ibidem,
ac S. Officij Consultor.*

Imprimatur

*Fr. Michael Pius Passus
Inquisitor Gen. Genue.*

1665. 23. Decembris.

*Impr. Ex auctoritate Excellentissimi,
& Illustriss. Magistr. Inquisit. Status.*

*Io: Franciscus Castagnola
Cancell.*



DE REPUBLICA GENVENSIS.



VM de Genuensi Re-
publica multi multa
scripserint, inter quæ
aliqua non benè tor-
nata deprehenduntur;

operæ pretium me facturum existi-
maui, si aliqua ad notitiam aptiora,
quasi in breui tabula, potius deli-
neabo, quam scripsero. Urbis Ge-
nuæ primordia, resq; gestas priorum
seculorum, quas vetustatis caligo
contextit, vix attingam: Etenim ni-
miæ esset confidentiæ, Scriptorem,
senio propemodum confectum, dies
potius antiquos nullo fructu rimari,
quam cogitare annos æternos; &

inter curas publicas graues, merda-
cesq; priuatas, nubes, atq; inania
captare non vacat. Per securam an-
nalia semitam vsq; ad maiorum no-
strorum decimi circiter seculi ma-
gna nomina, & priscæ virtutis exem-
pla, imaginesq; pertingam. Recen-
tiora verò, & ea, quæ proximis hisce
septuaginta annis, vel oculis nostris
vidimus, vel perspeximus, vel ma-
nus nostræ contrectauerunt, quo-
rumq; pars aliqua fui, incorrupta fi-
de, sine ira, at non sine studio, me-
morabo. Studium enim in Patriam,
sed æquè in veritatem, adeo non dif-
fiteor, vt etiam apertè profitear.

Ad rem igitur accedens, quadri-
partito scriptionem hanc diuiden-
dam censui.

Primò agam, De Genuensium Do-
minio :

Secundò, De Gubernatione.

Tertiò, De Potentia.

Quartò, De Dignitate. *Caput*

CAPVT PRIMVM.

De Genuensis Reipubl. Dominio

SECTIO I.

DE VRBE GENVA.

I. **D**OMINIVM Genuensē
 Liguria, & Corsica,
 cui adheret Capra-
 ria, parua Insula, cen-
 setur, Liguria, eiusq;
 ducentorum fermē milliariū tra-
 ctus, ab Ortū Solis Macra, ab Oc-
 casu Varo amnibus, notissimis fini-
 bus, terminatur. Septentrionale dor-
 sum in colles Pedemontana, & Mō-
 tisferratenſis Regionis, atq; in plana
 Mediolanensis, & Parmensis Domi-
 nij ferē definit. Facies verō meri-
 dionalis Ligustico mari alluitur, &
 Corsicam spectat, illamq; cum ipso
 mari, Orientali ora, & Occidentali,
 (quas hodie vocāt *Riuiera di Genova*)
 7. II. quasi

quasi brachijs, & gremio fouet, atq; complectitur. Litoralis hic tractus à Finariensi Marchionatu, & à Valle Vneliensi, illo quidem Hispanicæ, hac Sabaudicæ ditionibus intercisus, Sarzanensis vrbs agro, qui est vltra Macram fluuium, atq; Oppidorum Noui, & Ouadæ territorijs, quæ vltra Apenninum sita sunt, largè suppletur. In medio ferè huius continen-
tis iacet Genua vrbs, imò veriùs dicetur assurgit: quippè, ad altos mon-
tes ascendens, ipsorum iugo conti-
nuæ nouem milliarium munitionis
iugum imposuit: & quæ olim mon-
tibus subdita fuit, atque aperta mari,
modò mœnibus mare, montesq; co-
ercet: adeoque duabus pilis, imma-
nibus molibus, seù potiùs monti-
bus, in mare demissis, ab amplissimo
portu manufacto Austrinas, Africa-
nasq; tempestates prorsus exturbat.

II. Vrbis

II. Urbis habitatores, antè nupèram pestilentiam, quæ contigit anno 1657, Centenorum millium numerum implebant: Dimidium morbus exitialis absumpsit. Gliscente mox multitudine, ut potè Cæli salubritate fecundante, & loci opportunitate inuitante, septennij spatio ad septuaginta millia excreuit, & augetur in dies.

III. Duplici mœnium gyro vallatur. Interior muri firmissimi, atque dispositis aptè propugnaculis interfecti, quinque milliarium spatium amplectitur: exterior nouem. Inter vtrumque Villæ, domusq; innumeræ, ad excipiendam multitudinem quantumvis grandem, quæ ingruente bello ad Urbem confugeret, vel consultò, ad eiusdem Urbis tutelam induceretur. Exteriora mœnia, non muris extructis, sed subrutis potius rupibus constant, montibusq; præruptis

ruptis . Sulphureo enim pulvere ,
 opera haud facili , indito cautibus , &
 incenso , saxa volant ingentia : mox ,
 malleis ferreis , & scalpro , reliqua
 rupes formatur in murum . Huic va-
 lidissimæ munitioni obducta est fossa ,
 cauato saxeo solo , atque adeo cuni-
 culis , & hostilibus accessibus imper-
 uia , vt etiam imperuium exterius ,
 interiusq; pomcerium . Hæc , aliaq;
 singulari industria prouisa , Urbem
 præclaram statuunt , aduersus quos-
 cumque hostium conatus , tota Eu-
 ropa personante , securam : Adeo ,
 vt maximi Monarchæ tantæ vrbs
 imaginem habere voluerint , quò
 eximium artis cum natura amicè
 coniurantis opus , non modò animo ,
 sed & oculis obuersaretur : quodque
 admirationem augere potest , im-
 mensa opera in triennale missa com-
 pendium fuit : sicuti triennalis etiam
 fuit paulò post nuperræ pilæ constru-
 ctio :

Etio : stupentibus aduenis , nautis
 præcipuè , tantam triennio in mari
 natam peninsulam , maria clausa ,
 montes , urbemq; quinquaginta cir-
 citer Regalium (vt vocant) propu-
 gnaculorum corona circumdatam ;
 & tantum non sidera sublimi vertice
 ferientem , certè nubibus altiore .

IV. Intra urbem opera publica ,
 & priuata visuntur valdè magnifica :
 Tempia præcipuè , quæ pauca alia
 cuiusuis vrbis sibi præferri vix pa-
 tiuntur . Templum Metropolitanum ,
 in media vrbe situm , & multa ante
 secula ædificatum , ac ideo nec va-
 rietate , nec recentiore architectura
 insigne , pluribus alijs cedit ornatu ;
 sed Sanctissimi Præcursoris cineribus
 sibi creditis , exellit omnia . Ibi , in
 sacello præclaro , asseruantur decen-
 tissimè sacra pignora : verè salutis pi-
 gnora : nam , centies repetito mira-
 culo , solo aspectu , maris tumentes
 fluctus

fluctus, tempestatesq; compescunt.

V. Omnes Religiosæ familiæ certatim suas sacras ædes, domosque excitauerunt: plerasq; magnificentia spectabiles: omnes priuatorum pietate, opibusque. Cæteris præstantiores habentur ædes Annunciationis Beatæ Virginis à Lomellinis, Sancti Syri à pluribus nobilibus familijs, Iesu Christi Domini nostri à Palauicinis extructæ: sed inter omnes micat Collegiata titulo Sanctæ Mariæ ab vna Sauliorum familia à fundamentis erecta, splendidèq; dotata.

VI. Reliqua autem publica opera, & ipsa grandia: Palatium, nondum tamen absolutum, Nauale, Aquæductus, horrea. Exiccata magna antiqui portus portio, atque contractum mare, in ipso salo fundatis productioribus vrbis mœnibus, iniectisque ruderibus, ad duplicem vsum. Magna etenim pars data publicis
furnis,

DOMINIO. 19

furnis, structuræ magnificentia, non necessitati tantum, sed ornatui Urbis inseruiantibus: Maiorem verò partem sibi vendicant plura promptuaria, magnificentioris adhuc operis, mercibus quibuscumque mercatorum recipiendis, usquedum venduntur, vel exportentur. Sed omnium maximum domus, necdum perfecta, sed miræ iam magnitudinis, ac pulcritudinis, ad excipiendos, alendos, pietate, atque opificio instituendos quoscumque, utriusque sexus, & cuiuscumque ætatis egenos, ab officio Pauperum, (de quo Magistratu suo loco dicendum erit) nuper pijs eleemosynis fundata in ima valle, & iam colles supergressa: Dubium maior, an utilior.

VII. Privatę Domus, similes principalibus, permultę, & intra veterem contractiorem urbem, maxime ad duas vias nouam, ac nouissimam, & intra

& intra Urbem recentiorem, atque laxiorem, & longè plures in suburbijs, ac suburbanis: Ibi amœnissimæ valles in litora desinentes, lætos colles, ac fluuiorum Bisamnis, scû Feritoris, & Porciferæ limpidas aquas excipiunt; quorum ille orientale Urbis latus præterfluit, hic aliquantulum ab occidentali recedit. Ab hisce vallibus, litoribus, collibusque (præcipuè ad litus, & suburbanum, cui Sancto Petro de Arena, & in colle, cui Albario sunt nomina) attollunt se se quamplurimæ amplæ, aspectuque ipso iucundissimæ domus priuatorum, quæ quidem, si possent in vnum coire, vtrique Urbem quacunque alia pulcriorem, magnificentioremq; conflarent.

VIII. Ibidem domibus coniunctæ Villæ, hortique, omnibus naturæ, & artis delicijs affluentes, ac omnis generis arboribus consiti: maxime

DOMINIO 21

mè malis aureis, citris, limonijsque, quæ arbores, parietibus domorum, & villarum macerijs prætentæ, in domos ædificari, & saxa ipsa fecundare videntur: Certè parietes faciunt viridantes, discolores, ac versicolores, pendentibus varij temporis fructibus, & albertibus floribus, qui, rosas, apiarijs (Italicè *Gelsomini*) hyacinthisq; coniuncti, numerosa, imò potius mista, gratissimæq; suauitate odorum, atque vario, & lætissimo prospectu, nedum sensus, sed animos suo modo, nutriunt, recreantque.

IX. Porro Suburbis, absque interstitio Suburbana iunguntur, quæ viatoribus imponunt vel molestè, vel iucundè. Venientes enim, longam agitationem pertæsi vel maris, vel iumentorum, ad Suburbani remotioris ingressionem, citò nimis urbem se putant ingressos, fallunturq; abeuntes verò, se vix ab urbe digressos existimant.

22 DE GENVENSI

existimantes, longè iam se abesse, & multùm processisse cognoscūt. Suburbana autem, ad orientem septimo ab vrbe lapide, Neruo, humili vico, ad occidentem, decimo lapide ab eadem, Vulturo oppido terminantur. Sed, antequam Vulturum, offert se Pelium (vulgo *Pegi*) pagus nautarum populo plenus, atque insignibus nobilium ædibus, prædijsque apprimè ornatus, quo ægroti, & ex morbis conualescere incipientes, ac valetudinarij, potissimùm per hyemem, quasi ad sanitatis asylum, præ aeris temperie, ac loci amenitate confugiunt.

X. Aliud simile perfugium, atq; à frigore fortassè tutius, præbet vicus, quem modò diximus, Neruum, qui piscatorum, agrestiumq; casis, nonnullas etiam per adiacentes colles, ac litora, nobiles ædes adiungit. Hic tractus duo passuum millia
non

non excedens, perpetui veris est
 sedes; Ideoq; fortasse Neruum for-
 titus est nomen, quasi Vernum, fa-
 cili corruptela. Ibi parum est rigen-
 te bruma prata virescere, vernare
 fata: parum etiam ab eodem aureæ
 mali ramo pendere simul quæ flores,
 quæ fructus, partim florido calyce de-
 hiscente vix apparentes, partim gran-
 diusculos, sed virentes, alios virētes
 simul, & croceos, adhuc tamē acer-
 bos, alios demum maturos, aureosq;
 & nedum oculos delectantes, sed etiā
 gustum sollicitantes: Etenim hæc
 omnia communia sunt vniuersæ ferè
 prouinciæ, eiusmodi arborum ne-
 moribus affluenti: At vnum Neruū
 reperias perpetuo, ac multiplici bru-
 mali flore odoratum, & maximè
 rosis. Sed, & hoc parum: nam ibi
 præmittit hyems cinaras, scū car-
 duos altiles (*Italis carciofi*) pisa, fra-
 ga, quæ alibi adulto tantum vere pro-
 muntur,

24 DE GENVENSI

muntur, nisi solito molliore, ac placidiore fortè hyeme; quod Liguriæ haud rarò contingit. Flores hi verni, rosæ, fructusque præcoces, exilis fortassè redditus videantur, quasi paucorum delicijs tantum, vel pregnantium appetitibus indulgentes: Sed contra est: Nam cinaræ, rosæque ad multas per Italiam vrbes trasportantur, ideoque, & Genuæ haud vili pretio emuntur per hyemem: pisa verò, & fraga, mensis delictioribus reseruata, certè paruo non parantur.

XI. Denique ora maritima utrinque circa urbem ad passuum viginti-quinque millia perpetuis ædificijs, plerisque nobili structura conspicuis, est referta: itaut, mari ad urbem accedentibus exteris, vix credibile sit, illa omnia urbem vnam esse, & non esse.

SECTIO

SECTIO II.

DE ORA MARITIMA

OCCIDENTALI.

I. **H**IS dictis de Vrbe, ac Suburbijs, & Suburbanis, tendendum est dextrorsum ad oram, scù prouinciam occidentalem; vbi primum occurrit, quod diximus, Vulturum, frequens diuitibus mercatoribus oppidum, atque vulgo nautarum, quod, assidue, etiam vltra fretum Gaditanum, nauigatione, magnas quæsiuit opes, & optimo earundem vsu, Templum, quod vel Romæ spectari mereretur, breui temporis spatio priuatorum are construxit. Mox aditur oppidum Arenzanum, quod, paucis abhinc annis infra mediocritatem, modò in tantum excreuit, vt nauibus

B bus

bus onerarijs grandioribus ultra quinquaginta Mediterraneum, Oceanumq; pereurit. Inde, eundem cursum occidentalem tenentibus, post Cogoletum vicum occurrit Vorago oppidum non ignobile atq; valetudinarijs hyemalibus mensibus apricum, placidumq; litus expandens.

II. Mox, post pagos Cellas, & Arbisolam, quæ optimo vino laudatur, obuia fit Sauona, Vrbs vetus (de qua Lilius lib. 28. in fine) ciuium nobilitate, ac diuitijs præstans; sed duorum Maximorum Pontificum Sixti IV, & Iulij II. natalibus multò præstantior: mænibus, cæterisq; munitionibus, & arcibus, ad excipiendos, & repellendos hostiles impetus abundè munita, stationemq; habens triremibus alijsque minoribus nauigijs satis commodam, & quinto ab Vrbe lapide portum Vagorum

dorum (antiquis Vada Sabatia) cui-
cumq; maiorum nauigiorum classi
sufficientem: Nobilitata verò est
cum maximè ab Apparitione San-
ctissimæ Dei Genitricis quarto ab
vibe milliario, vbi, in eiusdem ho-
norem, & Dei cultum, sacra ædes,
tota circumquàq; prouincia, & ad-
iacentibus regionibus, inclyta, cum
ampla domo, quam plurimis paupe-
ribus alendis, & peregrinis excipien-
dis, erecta est, & apprimè ornata,
splendidèq; habita. Iuxta urbem
multa priuatorum prædia, ædesque
conspicuæ, ac potissimùm in Subur-
bijs Lauaniola, & Legio; vbi etiam
Villæ multæ, nedum ad delicias, sed
& ad prouentus, redditusq; non
exiguos cultæ: Territorium enim
æquè amœnum, ac fetax, præcipuè
vini optimi.

III. Succedit Naulum, Ciuitas,
vel plurimarum turrium priuatarum

certissimo indicio, quondam potens,
 nunc verò Episcopalis quidem Sedis
 decus retinens; Sed raro habitato-
 re: stationem præbet quibuscumq;
 nauigijs tutam: Sequuntur Petra
 oppidum, & pagi Burghetum, ac
 Ceriale: Exin Albinga, veteribus
 Album Ingaunum, Vrbs magni
 olim nominis: modò autem Cælo
 parùm salubri, ad paucos habitato-
 res redacta. Etenim nobiles familiæ
 plerumque in Suburbanis degunt,
 vel feudis suis, vbertate etiam glebæ
 alliciente, & generosa vina mini-
 strante. Postea Alassium oppidum,
 amplitudine multis Ciuitatibus præ-
 ferendum, quod Promontorio Mei-
 ræ, (à Meira fluuiio præterlabente
 nomen sortito) multum in mare ex-
 tento, fidam stationem nauigijs in-
 dulget, abūdatq; oppidanis ornatif-
 simis, ac diuitibus, mercaturam, &
 mare colentibus; necnon nautis;
 per

DOMINIO. 29

per mediterranei litora, scopulosuè
coralium expiscantibus, cui rei ma-
ximè incumbunt habitatores Aquil-
læ pagi Alaffio contermini. Mox
Andoria inter colles vitibus viren-
tes, & Ceruum castellum propter
litus assurgunt. Proximum est Dia-
num, oppidum insigne, præclaris
olim facinoribus, pluribusque no-
bilibus familijs, & agro olei optimi
feracissimo, nec suauissimo vino ca-
rente, alijsque fructibus omnibus.
Postea erectum caput ostentat Por-
tus Mauritius, in colle secus mare,
oppidum itidem nobile, frequens,
diues, & Episcopali tiara dignum.
Exinde Tabia paululum à mari refu-
git, atque ex colle se se demittit in
Vallem, nobile pariter oppidum,
quod Sanctæ Ecclesiæ dedit quam-
plures viros doctrina præstantes, &
multos infulis ornatos: vino verò,
quod muscatum vocant, Cyprijs,

30 DE GENVENSI


Creticis, Falernisq; fortalsè antefere-
rendo, celebris.

IV. Sequitur Sancti Romuli op-
pidum, in vicem antiquæ Matutia-
næ, quondam à Saracenis eversæ.
Numerantur in illo ad quindecim,
& ultra hominum millia: vulgo vi-
ctum, primoribus vitæ commoda
suppeditantibus, præter communes
terræ fructus, malis aureis, citris,
atque limonijs, maris beneficio, ac
iumentorum dorso in Transalpinæ
Galliæ, atque Germaniæ regiones,
inò ad vsque magnæ Britanniæ, Da-
niæ, Noruegiæ, Sueciæ, Poloniæq;
Regna transmissis. Hæ arbores sc-
ptem vallibus continentur, quæ ve-
rè appellari possunt Paradisus malo-
rum aurearum, quarum fragrantia
per aera, perque pelagus ad multa
milliaria longè latèque diffunditur.
Palmarum quoque ferax est Sancti
Romuli ager, quas circumiectæ pro-
uincia

uinciæ omninò nesciunt; atque ipsi
 Romani Pontifices illas ad sacras
 maioris hebdomadæ ceremonias a-
 liunde non habent: præmonstrante
 fortassè ipsa rerum natura, Sanctam
 Dei Ecclesiam ab Liguria multum
 palmarum nobiliorum & habuisse, &
 sperare posse. Tandem Liguriam
 ab occasu Solis claudit Vintimillū,
 Sedes Episcopalis, habitatores ha-
 bens paucos, sed diuites agri fecun-
 ditate: Ciuitas quondam ingens;
 Guitæ Sancti Antonij matris patrias,
 atque (vt tradit Paulus Batius Epis-
 copus Albensis, in libro de Progres-
 sibus Occidentalis Ecclesiæ pag. vn-
 decima supra centesimam) eiusdem
 Cœnobitarum Patriarchæ, ibi in lu-
 cem editi, nobilitata cunabulis.

S E C T I O III.

DE ORA MARITIMA
Orientali, & Mediterraneis.

I  Odò Genuam rede-
undum : Indè ten-
dentibus in Orien-
tem , obuij sunt
(post ea, quæ dixi-
mus , suburbia , ac suburbana, Ner-
uumq;) pagi Buliascum, & Saulum :
Mox Rechum ; exin Camulium ,
vnde Promontorium , quod Caput
montis appellant , excurrens in ma-
re , ab sinistro latere Portum Del-
phinum abscondit ab Africo , & ab
omni tempestate tutatur . Mox
Rapalli sinus aperitur, nauigijs gran-
dibus satis tuta statio ; pluribus ad
mare vicis , & collibus fructiferis
pulcher : præcipuè pago Sanctę Mar-
garitæ ,

garitæ, qui Sancto Romulo magnitudine tantum cedit, ac palmis: Aurea mala producit meliora. Rapallum verò vicus est insignis, mercatoribus, nautisque frequens. Ibi ius dicitur multis hominum millibus, conuenientibus ex frugifera admodum valle, & agro satis amplo, vel fructibus pleno, vel gregibus. Inde, post quinque passuum millia, Clauarum suum litus extendit, oppidum celeberrimum, ac pulcherrimum, sacrarum ædium magnificentia, pluribusque nobilibus familijs clarum, amæno, fertilique, & vina laudatissima largiente agro, eoque (ut in prouincia non ampla) latifundia continente. Proximus Cluaro est (Lauania fluuio tantum intercedente) Lauania vicus, nupera pulcherrimi templi constructione spectabilis, Lauaniaq; Comitatus multarum nobilium familiarum meritò decan-

34 DE GENVENSI

tatus origine. Sequitur Segestum; oppidum peropportunè situm, amplis predijs, & fecundo territorio, maximè vini, mensis nobilioribus reseruandi; habitatore multo, ut potè tertè, mari, ac mercaturæ operam dante. Ibi plerumque vitam degit Brugnati, mediterraneæ Ciuitatis; Episcopus; maritima montanis, hybernumq; Solem niuib; vernis anteferens. Mox Monelia; ac Framula pagi, & Leuantum, oppidum diues, & quinque Castella vocabulo Mons ruber, Vernatia, Cornelia, Manarola, Riuus maior. Hæc Castella in maris, præruptorumq; montium sunt locata confinio: & quando ager omninò decrat, nec aderat Thanmarugus, quo montes iubente recederent; industrii habitatores, per ardua scòpulorum enisi, & manibus, quasi per murales scallas, magis quam pedibus procedentes,

tes, vitesque ipsis caucibus inferentes, vinum, antonomasticè appellatum *Amabile*, de saxo durissimo expresserunt; vndè quinque terrarum ignota alioqui nomina; nec agnoscenda, ad omnes per Europam regiones delata sunt.

II. De rupibus descendentes ad mare, Spedia oppidum in sinum suum, nos apertis vlnis excipiet; Sinus hic, Palmariæ insulæ obiectus ab Austro aliqua ex parte tutus, & Africo, Portus Lunæ à veteribus appellatus est; Sed, quod maximè securitatis interest, aliquibus promontorijs procedens, totidemque recedens litoribus, plures efficit portus optimos; quorum, qui primus occurrit, commune cum imminenti oppido, atque arce, nomen à Veneri nactus est, licet à templo vetusto Sancti Venerij, verè sit dicendus: forsitan ob totius sinus, ac po-

36 DE GENVENSI

situs pulcritudinem, quæ in ipso lo-
 ci vestibulo, Veneris nomine, qua-
 si omnis venustatis titulo, inscriben-
 da esset: Siuè Vrbi, quondam Lu-
 næ vocabulo cohonestatæ, Veneris
 portum, oppidumque, insita vulgo
 leuitate, & inter proximos æmula-
 tione, è regione opponere volue-
 runt. Spedia, quæ alij Species, insi-
 gne omninò multis nominibus op-
 pidum, facie in meridiem obuersa,
 integram Solis periodum dimetitur:
 dextero sui sinus latere, seu brachio,
 eiusdem Solis orientis radios venien-
 tes excipit; leuo deponit abeuntes;
 Vtrique brachio non desunt manus
 armatæ; Siquidem dexterum desi-
 nit in Portum Veneris, seminarium
 pautarum, sociorum naualium, na-
 uiumque gubernatorum, per quos
 expedit classes, quasi missilia; Sed
 munitissima Sanctæ Mariæ arce, in
 peninsula sita, cominus vel pugnât,
 vel

DOMINIO. 37

vel terret. Sinistrum verò , scuto
Illicis oppidi , & arcis , turrisuè gran-
dioris , pendentibusq; ex ea mille
clypeis fortium oppidanorum , nu-
merosiq; , ac bellacis populi , regio-
nem protegit, ac tuetur . Porro ele-
menta omnia sinus huius bono con-
spirant . Aer benignus , ac purus ;
Terra latè sternitur in planicies , le-
niter assurgit in colles , molliter cur-
uatur in Valles : vbique optimorum
omnis generis fructuum , & frumen-
ti , vini , oleiq; ferax : Mare piscibus
abundans , & insigni , perpetuoque
naturæ miraculo nobile : quippe
aquæ dulcis fons è medijs salis vutlis
erumpit , adeo copiosus , vt repelle-
re valeat accedentia parua nauigia :
Docente ipso auctore naturæ Deo ,
homines posse , & inter mortalis vi-
tæ fluctus , animi tranquillitatem ,
atque inditi ab ipso Deo spiritus dul-
cedinem conseruare . Ad naturæ
dona

38 DE GENVENSI

dona accedit ciuilis dignitas, pluriusq; nobilitas familiarum. Tandem Vrbs Sergiana, vulgo Sarzana, vetustæ, ac nobilissimæ quondam Vrbi Lunæ substituta, Genuense Dominium nobiliter complet. Fulget Episcopatu præcipuo, ciuibus, familijsq; nobilibus, territorij amœnitate, ac fecunditate; Sed omnium maximè Sancto Eutyechiano, Christi Martyre, atque Nicolao V. egregijs Romanis Pontificibus genitis, est celebranda.

Hæc de Liguribus secus mare habitantibus,

III. Interiora constant multis oppidis, pagisque innumeris, multo habitatore frequentibus; Triora, Ceriana, Zuccarello, Plebe Teicij, Toirano, Saxello, Ouada, Nouis, Gauio cum arce munitissima, Vultabio, Montobio, Roccatalata, Varisio, Castilione, Carro, Burghetto,

ghetto, Godano, Vectiano, Trebiano, Arcola, Coruaria, Amelia, Hortonouo, Castronouo, Nicola, Bolano, alijsque.

In vniuersum tota Liguria frumenti parum, at vini, oleique optimi, & fructiferarum arborum largè fecunda; sed sulcorum terræ sterilitatem supplet maritima natio sulcando mari, cuius experta est elationes verè mirabiles.

SECTIO IV.

DE REGNO CORSICÆ.

I



Odo' transmittamus mare, & in Corsicam nauigemus, quæ est tertio loco ponenda inter Tyrreni maris insulas, centesimo milliario à Genua distita. Excurrit à Septemtrione in meridiem milliaria centumquinqua-

40 DE GENVENSI

quaginta. Circuitus eius quadringentorum. Centumviginti, & ultra hominum millibus habitatur, & longè pluribus habitaretur, nisi gens ferocior armorum tractandorum magis, quam terræ vomere, aut ligone versandæ rangeretur amore. Sex Episcopatus habet, Marianensem, Accensem, qui in vnum coalesuerunt, Aleriensem, Aiacensem, Nebiensem, Saguntinum. Habet plura oppida, multos pagos; Olim multis urbibus celebris fuit, Plinio teste, alijsque.

II. Tellus varia. Quæ spectat Italiam, non parum fert frumenti; reliqua referta vitibus, oleis, ficubus, castaneis, amygdalis, moris alendis bombycibus, vnde sericū optimum, tandemq; nemoribus pulcherrimis, arbores ad omnem humanum usum, & feras ad venatorum satietatem, alentibus. Vino multo abundat, coque

DOMINIO. 41

eoque laudato. Mare alluitur piscosissimo. Terræ viscera ferri fodinis affluunt: naturæ cum ipso Corsicæ nomine in vnum conspirantis præiudicio. Corsi enim corde sunt ferreo, adeòque ad sicam, armaq; pronò. Campi verò, montesq; innumeris gregibus, caprarum præcipuè, equorumque, atque apum examinibus abundant, & lacte, ac melle manant: Aptè etiam ad Corsorum ingenium, qui sub lingua, cum lacte, & melle, habent aculeum, adeòque foro nati sunt: Bello autem fortissimi, quippè qui cum Romana Republica plura bella gesserunt, acieque iustis exercitibus dimicant; præcipuè anno 577. ab urbe condita cum Prætorio Caio Cicero, qui in pugna ædem vouit Iunoni monetæ, & vicit, cesis Corsorum quinque millibus: ita Liuius lib. 42. circa initium. Insuper scatet Corsica

42 DE GENVENSI

sic à aquis medicis, curandis morbis.

III. Duas habet arces munitissimas Bonifacium scilicet, Genuensem coloniam, cum portu insigni, & Caluium, pariter cum optimo portu.

Habet etiam alios portus duos; alterum ad Aiacium urbem, ubi sinus grandis, atque ager pulcher, & foecundus; alterum, & quidem pulcherrimum, in parte interiore (ut vocant) quæ vergit in Orientem, vocabulo Portus vetus.


Hæc pro nostri operis ratione de Dominio Genuensi, quoad dimensionem terrarum, & habitatorum frequentiam, atque de hominum; terraq; ingenio dicta sufficiant.



SECTIO

S E C T I O V.

DE MARI LIGUSTICO.

- I.  Erum quia Genuenses suum Dominium Liguriæ, Corsicæq; litoribus negant includi; aliquid de Mari Ligustico, quod sibi asciscunt, attexedum est. Illud ergo Genuensium virtute per maria omnia diffusum fuisse opportunè demonstrabitur. Nunc de eius tantum natura, Dominioq; pauca subdemus. Longitudo eius Liguriæ litorali æquâlis: Latitudo ab Liguria in omnia Corsicæ litora extenditur. Procellosum est ab Austro Africo: à Borea etiam nonnihil periculosum, si nauigiorum gubernatores clauum tenentes, subitos è montium faucibus erum-

44 DE GENVENSI

crumpentes ventos minus promptè declinent. Apud plerosque diffamatum est ex piscium penuria: Sed si habitatorum, quos alit, numerus computetur, omni caret sterilitatis infamia: quin potius à fecunditate celebrandum, cum ab Liguria multum piscium ad mediterraneas regiones vniuersæ Cisalpinæ Galliæ iugiter transferatur.

II. Dominium Ligustici maris Genuensibus ferè omnes, certè omnes siuè Iuris, siuè historiarum scriptores attribuunt: quod quidem magno illis constitit, exturbatis ab eo, & iactatis, exactisq; æquore toto Saracenis. De hoc Dominio maris Ligustici videndus omninò Petrus Baptistæ Burgus.

CAPVT




CAPVT SECVNDVM.

DE REIPVBLICÆ GENVENSIS
Gubernatione.

S E C T I O I.

DE MAGISTRATIBVS,
atque Concilijs.

I.  RADITIS ijs, quæ
de Reipublicæ
Dominio traden-
da erant, tran-
seundum est ad
eiusdem Reipu-
blicæ gubernationem.

Summa, omniſque potestas eſt
pœnes Patritiorum familias, quæ,
præter abſentes, & vigesimum ſe-
cundum ætatis annum nondum
trans-

transgressos, modò septingentorum numerum non excedunt. Huic ordini aliquando aliqui pro temporum opportunitate adscribuntur.

Hi omnes Maius Concilium constituant.

Quotannis ex hoc numero ducenti, maiores annis vigintiseptem, seliguntur: qui Minus Concilium appellantur.

II. Ambobus Concilijs præfunt duo Collegia; Alterum duodecim Senatorum, vnà cum Duce, qui est totius Reipublicæ caput; alterum octo Procuratorum, quibus additi, qui Ducali dignitate perfuncti sunt, atque, quoad in humanis agunt, & ipsi Procuratoria dignitate censentur, parem, vel circiter, Senatui numerum explent. Dux ergò cum ambobus hisce Collegijs, Ianuario mense appetente, minus Concilium cogunt, ad hoc, vt per illud eligantur

tur triginta (vt lex loquitur) optimi Ciues, coram ijsdem Collegijs, sed suffragium non ferentibus; qui triginta viri postridie ex toto maiori Concilio eligunt Minus ducentumuirale Concilium in sequentem annum. Hi triginta viri biduo, vel triduo, munus expediunt, & Kalendis Ianuarijs succedit nouum annuale Concilium Minus, quod tamen plerumque constat ex ijsdem ciuibus, ex quibus constabat Concilium anni præteriti, paucis mutatis, vel per obitum, vel per absentiam, vel ob aliquam iustam causam, seu impedimentum.

III. Duo verò Collegia, præter eos, qui Ducalem dignitatem tenuerunt, sorte extrahuntur ex urna, in quam centum viginti virorum selectorum nomina coniiciuntur hoc pacto.

Cogitur quolibet Iunij mensis
initio

48 DE GENVENSI

initio Minus Concilium, ut suppleatur numerus virorum Centum viginti: scilicet in locum demortuorum, & eorum, qui proximè ex vna extracti fuere, qui saltem sunt decem numero: Etenim bis in anno educuntur quinque ad biennale munus Senatoris, vel Procuratoris, & tres prius educti Senatoris, reliqui duo Procuratoris munere funguntur.

Diximus saltem decem quotannis extrahi; quia non raro accidit, ut extra ordinem sit supplendus numerus Senatorum, vel Procuratorum, nempe eorum aliquo vita functo, vel ad Ducale fastigium assumpto, vel utcumque impedito: præterquam quod ex toto Centum viginti virorum numero plures in anno vita excedunt, eorumque etiam loco alij sunt substituendi, ut dictum est.

Cogitur ergò mense Iunio Minus
Con-

GVBERNATIONE. 49

Concilium coram Collegijs. Vnusquisque de Concilio prodit nomen illius ciuis, saltem quadragenarij, quem dignitati Senatoriæ, & Procuratoriæ parem esse putat. Mox idem Concilium, ter ad summum latis suffragijs super vnoquoque nominatorum, seu candidatorum, ex illis seponit numerum duplo maiorem eo numero, qui deest ad numerum Centum viginti. Hic demum numerus, duplo maior, Concilio Maiori proponitur, & ex illo eliguntur tot, quot defunt ad supplendum numerum Centum viginti virorum, qui dicitur Seminarium.

I V. Ducis vero electio huiusmodi est. Duce, biennio exacto, ad propria reuerso, congregatur maius Concilium: numerantur Consiliarij, qui interfunt, & totidem globuli ponuntur in urna cooperta, ex quibus quinquaginta deaurati, reli-

C

qui

qui de argentati, cœtera omninò si-
 miles. Vnusquisque ex Consiliarijs
 (nemo autem ex duobus Collegijs,
 quæ in Ducis electione habent ius
 ferendi suffragij, non autem nomi-
 nandi) sua manu, cæco delectu, ca-
 pit globulum suum. Sortiti de auri-
 rum numero quinquaginta, sece-
 dunt in conclauem, & quisque, clam
 socijs, scribit nomen illius, quem
 ad Ducatum euehendum censet,
 modo non sit minor quinquagena-
 rio. Editis nominibus, si fortè no-
 minati numerum vigesimum non
 attingant, à quinquaginta nomina-
 toribus scrutinium repetitur. Stato
 ergò numero saltem viginti candi-
 datorum, itur in suffragium cuiusli-
 bet eorum, & quindecim ex eis, qui
 plura suffragia fauentia retulerunt,
 postera die deferuntur ad minus
 Concilium, cuius suffragijs quindecim
 viri rediguntur ad sex, qui tan-
 dem

GVBERNATIONE. 51

dem ad maius Conciliū denuò referuntur, atque ille, qui plura suffragia retulit, Dux renuntiatur.

V. Prosequamur modò quænam sint horum in Republica partes.

Dux cum duobus ex Senatū expediunt quædam leuiā; vel, si grauiā, incontinenti, quæ postea Senatui, vel Collegijs approbanda proponuntur.

Dux cum Senatoribus Principem refert, & fungitur auctoritate Supremi Rectoris; itaut possit cuncta peragere, præter ea, quorum potestas ei per leges adempta est. Ciuiles controuersias omnes dirimere potest, vel alijs dirimendas mandare; testamenta, omnesque contractus potest infringere, & demum præcipere, regere, & gubernare.

Res verò, quæ ad statum Reipublicæ pertinent, administrat vnā cum Collegio Procuratorum, de

52 DE REIP. GENV.

quo supra diximus; quod quidem Procuratorum Collegium procurat Ærarium, & publica bona; atque alia nonnulla; ei à legibus deman- data.

Res autem publicæ grauiorēs, neque à duobus simul Collegijs expediti possunt; nisi adhibito minori Concilio. Quinimo ad multa necessaria est etiam auctoritas Concilij Maioris.

Utriusque Concilij comitijs semper intersunt quinque Legum Conservatores; quorum munus est curare; nè quid contra Leges fiat.

VI. Præter duos maiores Magistratus; scù duo Collegia; & duo Concilia; scù Conciones; sunt in Re- publica quamplures Magistratus singulis functionibus accommodati. Præcipuè septem viri, Status Inqui- sitores appellati; qui quasi è specu- la, publica pericula cuncta prospiciunt.

ciunt. Alij, numero sex, curant
 ea, quæ quouis modo spectant ad
 bellum. Alij, quinque curant An-
 nonam. Totidem alij triremes. To-
 tidem naues publicas bellicas, pur-
 gando à piratis mari. Totidem mœ-
 nia, pilas, portum, aquæductus, vias,
 opifices. Totidem procurant escu-
 lenta, & poculenta quæcumque,
 pondera, mensuras. Alia demum
 tribunalia, alijs functionibus erecta.
 Delictis puniendis, litibusque diri-
 mendis, adhibentur Iurisperiti exteri.
 Si verò res exigat, in criminalibus
 extra ordinem per vtrumque Con-
 cilium publicæ utilitati consultitur,
 & sæpè Suprema potestas duobus
 Collegijs in aliqua re graui conce-
 ditur.

VII. Ne autem quis metas at-
 tributæ sibi per Leges potestatis ex-
 cedat, inductus est, præter Legum
 Conseruatores, quos diximus, quin-

que virorum Magistratus, ad cuius-
 cumque aliqua publica auctoritate
 fungentis, censuram, Supremorum
 Syndicatorum appellatione: cuius
 est vigilare, ne Dux, neque alius
 cuius Magistratus, vel aliquis ex
 Magistratu quocumque, & ne quis,
 etiam infimi ordinis minister, publi-
 ca auctoritate abutatur, neque quid
 contra Leges vel fiat, vel omittatur.
 Quod, si aliquid huiusmodi admis-
 sum fuerit, animaduertere potest
 pro culpæ gravitate, & vel capite
 damnare. Si tamen quis reus fiat
 constante Ducali, siue Senatoria,
 siue Procuratoria dignitate, neque-
 unt Supremi Syndicatores in illum
 ferre sententiam: sed rem ad minus
 Concilium deferunt, cuius est, ab-
 sentibus ambobus Collegijs, & ipsis
 Supremis Syndicatoribus referenti-
 bus, ac Præsidentibus, causam co-
 gnoscere, absoluendo, vel condem-
 nando.

nando. At si quis finito Ducali, vel Senatorio, vel Procuratorio munere, vel quiuis alius, à Supremis Syndicatoribus vel capite damnetur, vel notetur infamia, potest ad minus Concilium prouocare.

VIII. Aliud, & illud insignis Tribunal in Republica est, Protectores domus Sancti Georgij. Quando ærarium publicum maximis, & continentibus bellis per tot retrò sæcula exhaustum est, sæpe numero oportuit mutuari pecunias, ideoque publicos redditus oppignorare, & multa vectigalia in solum creditorebus dare, per ipsosmet creditores exigenda. Utq; eorumdem indemnitati consuleretur, facta est ipsdem à Republica potestas ex se ipsis quadringentorum Concilium eligendi, & Magistratum eorum, quos diximus, octo Protectorum, aliosque minores Magistratus constituendi,

quorum muneris est, nedum oppi-
 gneratorum vectigalium exactio, sed
 cuiuscumque creditori, pro modo cre-
 diti, iusta solutio, & quarumcumque
 ciuiliū controuersiarum de huius-
 modi rebus, & earum occasione,
 cuiuscumque etiam capitalis crimi-
 nis, iuxta Reipublicæ Leges, absque
 prouocatione cognitio; iudiciumq; .
 Huic Vniuersitati multa à Republi-
 ca priuilegia concessa sunt, adeoque
 religiosè custodita; vt non defue-
 rint, qui in vna Ciuitate duas puta-
 uerint Respublicas constitutas, quod
 vtrique falsum est. Quantum pote-
 statis huic Vniuersitati à Republica
 datum est; tantumdem eidem apud
 omnes, etiam externos, conciliatum
 est dignitatis, ac fidei. Siquidem
 nulla vnquam Reipublicæ, vel vlti-
 ma calamitate, vel mutatione etiam,
 factum est, vt creditoribus non sit
 satisfactum; adeout, hostibus etiam
 in-

ingruentibus, in suprema pecuniæ necessitate, nunquam Respublica immensam auri, argentique summam, tuto illi asylo creditam, vel respexerit; Lucupletissimi verò huius rei testes fuerunt plures perditionis rei, damnatique, quibus, eorumque hæredibus, satisfactum fuit semper æquè ac ciuibus optimè meritis. Hinc euenit, ut non solum in illo ærario elicita, è vestigalibus pecuniæ asseruentur. Sed ut in illud summa grandis privatorum, etiam exterorum, pecuniæ undèquaque confluxerit, confluatque. Hæc de Magistratibus Urbanis

IX. At Liguria omnis per Gubernatores, Prætoresque annua tantum potestate præditos, administratur. Corsicæ verò Magistratus omnes biennales. Vnus Regni Gubernator cum gladij potestate, etiam in omnes, qui ei subsunt, Iudices. Gu-

bernator autem pendet à duobus Collegijs, quæ per Magistratum quinque virorum res Cœficas administrant.


Demum omnes, quos diximus vel Urbani, vel per totam Dominiū Magistratus, eliguntur, vel per sola Collegia, vel adhibito tantum minori Concilio, vel etiam Maiori Concilio conuocato.

X. Leges habet Respublica peculiare, easque pro recta rerum administratione, temporumque opportunitate, quandoque vel mutat, vel corrigit, vel tollit omnino. Sed hæc sunt tantummodo duobus Collegijs ad utrumque Concilium referentibus, & iisdem Concilijs probantibus. At nouæ Leges, quæ antiquas non tollant, vel corrigant, constitui possunt ab iisdem Collegijs, minori tantum Concilio adhibito.

S E C T I O II.

DE PIIS OPERIBVS

Publicis.

I.  PTIME constitutę Rei-
publicę ea, quę huc-
usque retulimus, suf-
ficere posse videan-
tur: sed nonnulla

subdenda sunt, quę non sine maxi-
ma iniuria præterirentur.

Genuenses, quam Christi Domi-
ni nostri fidem ab ipsorum Aposto-
lorum ævo avidissimę hausserunt,
nunquam dimiserunt, imò armis, &
proprio, hostilique sanguine asser-
uerunt; eximie etiam erga Deum,
pietati copulauerunt. Ideo anno
humanę salutis 1637., non docen-
te humana prudentia, nec suo di-
fronte Iano innuente, qui & præte-

rita respicere videtur, & ventura prospicere; Sed Deo auctore, diuinum libertatis beneficium, Dei genitricis intercessionem acceptum præcipuè referendum, & cum maxima cautela tenendum esse intentius intuentes; Sanctissimam Dei Genitricem Mariam, vti peculiarem Reginam, sacris eius pedibus prouoluti, salutauerunt. Piam verò, tantamque Reginam, eius ad exemplum, quantum humanitùs licet, pietatis officijs æquum erat omninò demereri. Hoc præstiterunt semper, præstantque pro viribus Genuenses. Siquidem Pia opera, dudum antea in sua Vrbe instituta, semper nouis in dies incrementis amplificant.

II. Dudum ergò instituerunt Officium Pauperum, vt vocant, ad omnium pauperum confugium, atque subsidium. Huic Officio inserviunt Octo viri, quorum munus est

men-

mendicos omnes de triuijs, templisque tollere, & in vnum cogere, alere, vestire, ijsque de vitæ necessarijs providere, eos ad pietatem erudire, ad aliquod opificium instituere, senes, infirmos, ac debiles, etiam otiosos, nutrire. Huius fama publicæ beneficentiæ, nedum ab vniuersa Reipublicæ ditione, sed ab finitimis omnibus quoscumque vagos, atque inertes inuitat: Vnde fit, vt manipulatim huiusmodi homines, cum coniugibus, ac liberis, in Urbem irruant, nemine prohibente: Ijdem vias, plateas, Tempia, priuatas domos infestant. Multi capiuntur, & ad pias Aedes agrè ducuntur, placet enim magis licentia, quam disciplina, quando utroque modo victus paratur. Tanto operi, iam dudum (vt supra innuimus) instituto, nunc amplissima domus, cum proprio templo, in honorem Immaculatæ

culatæ Virginis Conceptionis, ex-
tuitur, quæ licet non adhuc per-
fecta, tamen intuentibus maximæ
admirationi est, & propè diem fontibus,
nemore, ac viridarijs erit in-
uospicientibus iucundissima: Modo
feruet opus, quod iam petuenit ultra
dimidium.

Eiusdem Officij curæ, ac sollici-
tudini, reliqua Urbana turba est
commendata, ne quis egenus, sed
mendicare erubescens, domi, vel
misere viuat, vel pereat. Adeunt
ergò id genus homines Octouiros,
pauperum Protectores, docentque
de sua egestate; qui Protectores
qualibet die Dominica ijs distribuunt
tantum panis, atque pecuniæ, quan-
tum sufficere possit ad illam familiam
sustentandam, habita ratione vniuf-
cuiusque natalium, atque ad sibi-
met, suisque subueniendum indu-
stria, vel impotentia. Tanta, &
per-

GVBERNATIONE. 63

perpetua erogatio vnicè pender à liberalitate, imò pietate priuatorum, qui vel olim huic rei annuis redditibus prospexerunt, vel, siuè inter viuos, siuè ex causâ mortis, modò prospiciunt. Hic idem Magistratus est Iudex ordinarius causarum civilium eorum omnium, quibus subuenit; quæ res loco maximi beneficij habetur; Ita enim inopum lites & citius, & absque dispendio, & sine strepitu, & figura iudicij, solaque facti veritate inspecta, finiuntur. Demum iidem Protectores procurant bona Immobilia, Iura, Actionesque ad tantum opus pertinentes.

Officium hoc pauperum magnum est (haud dubie) pietatis opus, sed non vnicum, quippe secundo loco addendum est aliud, quod dicitur

III. Officium Misericordiæ; quod constat ex quatuor viris, qui, vna cum Archiepiscopo, curant, ne

ultimæ piæ voluntates effectu careant, coguntque renitentes ad eas adimplendas; & distribuunt inter pauperes multa pia relicta, sibi credita, ad præscriptum testatorum: Quod quidem plurimum confert pauperibus sustentandis: quandoquidem, per nobiles, & pias matronas, ætate prouectas, & viduas, vniuscuiusque auxilio indigentis, domum inuisunt, eique nihil necessarium deesse sinunt, multo quotannis ære erogato.

Nec solæ nobiles matronæ, mulieres Misericordiæ appellatæ, funguntur hoc pietatis officio; sed instituta est antiquitus societas, valde pia, virorum honestæ conditionis, & spectatæ virtutis, qui, viri Misericordiæ, & boni testimonij, grandes elemosynas colligunt, easque inter occultos pauperes distribuunt, vrbem scrutantes in lucernis.

GVBERNATIONE. 65

IV. Tertio loco succedit Nosocomium, recipiendis cuiuscumque generis, & nationis ægrotis. Opus hoc creditum est duodecim viris (Protectores appellant) qui aliqua simul omnes, sed plura, partita inter se se triennali cura, quaterni administrant, & causas omnes quouis modo ad se pertinentes, cognoscunt. Domus ampla, & vsque ad delicias ornata, sctibus scilicet, hortisque languentium animis recreandis. Ad mille, & quandoque longè ultra, recipit vtriusque sexus morbis laborantes.

Ex Protectoribus aliquis quotidie omnes visitat, pluresque medicos adhibet, nec cuiuslibet, vel maximo, sumptui parcitur; ut nihil ægrotorum desit nedum necessitati, sed luxui.

Hæc domus ab piorum liberalitate magnos redditus possidet, & copiosas

piofas iugiter eleemosynas colligit.

V. Quarto loco ponemus aliam domum, seu aliud Nosocomium Incurabilem, ut aiunt, de qua eadem ferè dicenda, quæ ultimo loco dicta sunt.

VI. Quinto loco Officium Redemptionis captiuorum, qui passim quantouis pretio redimuntur: In tantum abutentibus infidelibus Genuensium caritate, ut sextuplum petant, habeantque pro Genuensibus, eo quod exigunt pro alijs omnium ferè nationum captiuis. Huic operi, facile omnium pijssimo, proprius Magistratus institutus est.

VII. Sexto loco Magistratus Montis pietatis, opus notissimum, quod Genuæ omnibus largè subuenit.

VIII. Septimo loco Sancti Iosephi Virginum puellarum domus, quæ omnibus per Urbem infirmis peten-

GVBERNATIONE: 67

petentibus, gratis medicos, medicamina optima, ac fomenta ministrant; magnum quidem subsidium ijs pauperibus, qui publicam infirmorum domum adire erubescunt, nec domi suæ se se valent curare.

IX. Carceribus mancipati, licet ex delicto, habent Protectores suos, qui, & pro eis agunt apud Iudices, & ijs alendis necessaria suppeditant.

X. Postremo Mortuis curandis, ac sepeliendis, & eorumdem animabus ad æternam requiem, Dei benignitate, promouendis, & eorum familijs aliquo subsidio iuuandis, infinitæ propemodum Societates institutæ sunt, quarum omnium impensa summam pecuniæ efficit vix credibilem.

XI. Tot, tantisque publicis Pij operibus, quæ omnibus, subdenda sunt alia, quæ non omnibus subueniunt, sed multis, nempe

Do-

Domus duæ mulierum ab impudicitia ad bonam frugem conuersarum.

Domus quinque Virginum pauperum, quæ docentur suis sibi manibus victum querere, usque dum nuptum dentur.

Domus pauperum puerorum Orphanorum.

Domus alia puerorum, qui per vias dispersi, alioqui sine tecto agunt, omni humano auxilio destituti, qui & suis sibi manibus consulere discunt.

Domus alia senum indigentium.

Turba, autem infantium expositorum ultra mille, quam Nosocomium, seu infirmorum domus alit, quo ad usque alicui opificio sint apti.

Demum omnium Sacrorum Ordinum Regulares innumeri, quibus verè nihil deest.

Sacerdotum secularium magnus numerus, qui de altari viuunt, deque

GVBERNATIONE: 69

que multitudine Capellaniarum (ut
vocant) perpetuarum.

Templorum nedum nitor, sed
sacra omnis generis, argenteaque
supellex, nulli magnarum Urbium
cessura. **XII.** Tandem, quando Templum
ingressi sumus, de statu etiam, atque
Gubernatione Ecclesiastica pauca
enarremus.

Genuensis Archiepiscopus iam
indè à multis sæculis multorum est
Episcoporum Metropolitae. Vnà
cum Officio Misericordiae, ut supra
dictum est, magnam pecuniae sum-
mam inter pauperes quotannis di-
stribuit. Elus verò redditus, olim
vberes, modò, præ rerum humanarum
vicissitudine, ij sunt, qui men-
sam frugalem potius exhibeant, exi-
gantque, quàm lautam: & tamen
qui illum totis triginta annis tenuit
Stephanus Cardinalis Duratus, de

proprio lauto patrimonio Sanctam
Genuensem Ecclesiam super duas
petras firmissimas stabiliuit, Semina-
rio scilicet Clericorum, & Missiona-
riorum Sacerdotum Collegio ma-
gnificè ædificatis, adeoque sibi met
beata mansionem in domo Domini
preparata. In Clericorum conui-
ctui, ad construendam Ecclesiasti-
cam molem, disciplinæ, ac scientiæ
salubri scalpri, iuvenes, sacris ini-
tiati, vel iniciandi, poliuntur. In
Sacerdotum verò Collegio degunt
viri, vitæ sanctimonia, atque infati-
gabili opera salutem animarum pro-
curantes.

XIII. Reliqui per Genuensem
Dominium Episcopatus varij reddi-
tus sunt: In Liguria Sarzanensis,
Albiganensis, Sauonenfis, ac Vinti-
milliensis, saltem modici, Brugna-
tensis, ac Naulensis tenues. In
Corsica Aleriensis, Alatenfis, ac


Marianensis copiosi, ni pensionibus exhaurentur. Nebiensis, & Saguntinus inopes; sed quod deest redditibus, frugalitate suppletur, quæ in Urbibus sordida, extra illas utcumque tolleratur.

Corlicæ verò Episcoporum laboribus subleuandis, & Christifidelibus in vastis Diœcesibus instruendis egregius nostri seculi vir, ac Senator Ioannes Hieronymus de Bene, suo priuato ære, fundauit in Genua Vrbe sub Senatus auctoritate Collegium Clericorum, qui Societatis Iesu disciplina, probitate, & doctrina armati, & Sacerdotes ordinati, Apostolicum opus exequuntur: Exemplo Summorum Pontificum, qui Romæ Collegia huiusmodi Græcis, Anglis, Hibernis, ac Maronicis instituerunt. Sed quis opera illa huic, de quo loquimur, composuerit? Romanis Pontificibus dictum est, *Palce oues*

oues meas : Eorum est potentia, eorum est Regnum, vt tanto muneri pares esse possint. Ecclesiæ thesauri in idipsum collati sunt. Græci, Angli, Hiberni, ac Maronitæ, nisi Roma subueniatur, panem petunt, & non est qui frangat eis. At Corsis non decrant nec Præsules, nec Curiones, nec Sacerdotes, nec cuiuscumq; ordinis Regulares : Sed Ioannis Hieronymi (verè Iusti, atque Italicę vere *Dabbene*) priuatæ Heroicę pietati, ac liberalitati, non satisfacit mensura bona : exagitatam exigit, ac superfluenrem, ideoque vltro, de suo, Corsis, non panem, quo affluebant, sed volatilia pennata ministranda suscepit. Meritò

Dicite Iusto, quoniam benè.

De Gubernatione Reipublicę satis. Sequitur tractatus de Potentia.



CAPVT TERTIVM:

S E C T I O I.

D E P O T E N T I A

ab effectibus.

I. NNO 1625, præter expectationem, maximi in Rempublicam belli pondus incubuit. Illa

raptim mercede conduxit peditum decem millia, & aliquot Equites, pro locorum ingenio sufficientes. Ad hoc quatuor millia Ciuium armavit, & alia quatuor millia ex delectu vtriusque Oræ maritimæ, qui delectus haud minorem sexaginta

D

arma-

armatorum millium summam conficit. Pars copiarum ad angustias Apennini, vigesimo ab urbe milliariorum, confedit; pars alia tutandæ occidentali prouinciæ missa. Illa ad Vultabium, in montium faucibus, ac modica planicie, cum hostibus manus conseruit, &, prælio victa, bello vicit. Nam hostis, ex cruenta admodum victoria, Genuensium animos, viresque percipiens; ad Urbem procedendum non esse decreuit: Et Feriæ Duce, Mediolanensi Governatore cum valido exercitu appropinquante, aliquot oppida, pagosque cepisse contentus, receptui cecinit, & occidentalem Prouinciā petijt, eoque tractu, qui ab Albingana Vintimillium usque pertingit, potitus est. Interim Respublica, mari potior, Vneliæ, & Marri oppida cum foecundis admodum Vallibus, hostilemque prætoriam

toriam triremem interceptit, mox
Gaium, octingentis peditibus fir-
matum, ac reliqua mediterranea
oppida, suarum tantum copiarum
parte adhibita, recuperavit. Exin-
de, Hispanis auxilijs accedentibus,
ab uniuerſa Occidentali ora, ditio-
neque, hostes exegit, & plura op-
pida hostilia occupauit.

II. Hæc præstitisse utique ma-
gnæ potentæ fuit. Bello vixdum
finito, triennij ſpatio, quam dixi-
mus Pilam construxit, Regis opus,
ut ait ille, idque cautioni potius,
quàm necessitati: alia enim simili
Pila ante plura secula nauigiorum
ſecuritati proſpectum erat.

Sæpè his proximis annis duode-
cim triemes instructiſſimas habuit,
& aliquando, additis multis, iſſque
validis grandioribus bellicis navi-
bus, classem haud contemnendam
adornauit, quæ magnum mediter-

raanei tractum nauigauit, idque citra belli necessitatem, imò pestilentia imminente; adeoque si fortè bellum ingrueret, non est dubitandum Liguriam vniuersam maximis classibus suffecturam, quando vnum oppidum Arenzanum, vsque ad hanc ferè diem nullius nominis, modò quinquaginta onerarijs nauibus gravioribus ad maria omnia vsquequaque transcurrit, vt supra dictum est suo loco.

III. Sed magnum potentia, maximum sapientia documentum fuit nouorum Moenium cōstructio triennalis, eoque triennio, quo bellum magis desierat, quam pax coeperat, & altera manu arma, altera camenta, & lapides tractabantur, & ab insidijs conspirationum cauendum, & perduelles capite plectendi fuerunt.

Quo facto Genuenses maximam
con-

Constantiæ, atque in Patriam pietatis laudem meruerunt: quandoquidem, hoste pluribus primariæ Nobilitatis per bellum captis, præsentem mortem intentante, si in perduelles animaduerteretur; ad Concilium relata re, ad vnum omnes, etiamque ij, quorum fratres vitam periclitabantur, rebelles capite plectendos esse censuerunt. Quo animi robore, & punita rebellio, & optimi Ciues seruati, hoste ab incepto ultro defistente.

IV. Documentum diximus magnum non potentiæ solùm, sed sapientiæ. Siquidem, tanta munitione ad loci ingenium adiecta, factum est, Genuam amicorum auxilio diù posse, amicos verò Genuæ opportunitatibus carere vix posse: Et super omnem vtilitatem est, urgente bello, defensionem paratam in mœnibus, manibusque habere.


Utque potentiorum auxilia in magno pretio habenda, ita ab ijs non pendere tutum est, atque magnificentum.

Cæterum cum Genuensis Respublica Cælorum Regina dediderit se se, impletum est omne consilium, & quoduis periculum abactū, si illa, pro sua pietate, respiciat in faciem Christi sui, atque in opportunitatibus existat adiutrix.



SECTIO II.

DE POTENTIA A CAUSIS.



I. **A**USAS autem Genuensium Potentiæ recensere non abs re fuerit. Cuiuscumq; Nationis potentia pendet præcipuè ab hominum multitudine: Hæc verò in vnam regionem conuenit, vel ab agri vbertate, vel ab loci positu, & opportunitate, cum cæli salubritate coniuncta. Agri vbertate caret omninò Liguria ferè omnis, ac frumento importato indiget non pauco. Verùm ob id ipsum à finitimis regionibus, ab maritima Etruriæ, ab Sicilia, ab Apulia, ab Africa, à Gallia, ab usque Gedano, alijsque ad mare Balticum emporijs confluunt Genuam:

ad satietatem frumenta : itaut illa
 sæpe alijs vrbibus sit pro horreo, cum
 nedùm Liguriam, sed alias Italiæ
 Prouincias, quandoque sterilitate
 in solita laborantes, alat, nutrietque.
 Ergò cæli salubritas, positusque op-
 portunitas, Genuæ pro vbertate est :
 Et si accipit à finitimis frumenta,
 ijsdem non rarò suas copias abundè
 refundit. Hinc est, quod, emporij
 beneficio, multos alit mercatores,
 aliundè accipiente fruge, atque
 omnis generis merce, easque vel
 vendentes, vel aliò transmittentes,
 ac dum ibi manent, curantes, quæ
 omnia vndique habitatores accer-
 sunt, quorum gliscente multitudi-
 ne, gliscunt & vectigalia, atque im-
 pletur ærarium: Et vsu compertum
 est, maiores Vrbes sua incrementa
 debere magis positus opportunitati,
 quam glebæ. Imò ipsa natura defi-
 ciens, cogente necessitate, indu-
 striam

striam excitat, acuitque, & quod intra naturæ confinia vix poterat esse modicum, si natura negat, facit industria maximum. Exempla suppetent ubique terrarum hæc fusius prosequentibus.

II. Eadem positus opportunitas alius generis potentiam gignit, quædocumque contingit arma tractare, vel saltem eorum inter finitimos fragorem exaudire. Suppetiæ enim facillimè in amplissimi portus sinum ab mari aperto accipiuntur, & contra ab hostibus difficulter intercipiuntur. Si verò bellum geratur inter finitimos, contingit à Republica multa flagitari per bellum gerentes: per Rempublicam autem concedi, negari, permitti, impediri, quæ victoriam vel dent, vel adimant. Est autem maxima pars potentia iuvare posse, atque nocere.

Rursus maximè confert ad po-

D S ten

rentiam, potentiorum iniurijs non patere.

III. De Urbis Genuæ securitate actum est satis, & aliquid etiam dictum de Sauona, de Gauio, de Arce Sanctæ Mariæ, de Bonifacio, & de Caluio; quæ omnes munitiones expugnatu difficillimæ habentur, nec carent propugnatoribus; Nam Liguria, & Corsica centum ferme millia hominum armis apta habent. Ligures verò (ut ait ille) malo assueti, ac ob idipsum multò magis Corsi, locorum difficultatibus adiuti, & munitionibus recti, se se, suaque tutari valent. Certè bello anni 1625 nulla harum, quas modò retulimus, munitionum, in potestatem hostium peruenit, excepta Gauij arce, quæ tunc erat antiqui operis, & post bellum ad perfectæ militaris architecturæ præscriptum munita est.

IV. Ali-

IV. Aliqua etiam potentiae pars est nautarum, gubernatorum, aliorumque, navium, & tritemium ductorum, ac fabrorum, nedum copiam habere, sed posse de iisdem alijs inopiam facere, eos ad Patriae defensionem vocando. Silvas exduas classibus parandis habet in Corsica, & nonnullas etiam in continenti. Aërii verò difficultates (communem Principibus omnibus querelam) Respublica Genuensis superare potest, ut quisquam alius; quod vel ex ipsorum eius actorum inspectione, satis apparet. Quippe sex annorum (ut diximus) spatio Moenia, Pilam, mirabiliter extruxit; Sauonam, Gaviū muniuit egregiè; & hæc omnia vix grauiſſimo anni 1625 bello perfuncta. Quæ verò potuit se munire in posterum; munita iam, minori dispendio semper se tuebitur in re præſenti, & ei

dispendio promptum habebit ærarium: Diuina enim prouidentia, quæ illi ministrauit (liceat ità loqui) semen ad suam futuram securitatem in terra, atque in mari seminandam; & fructus ad eandem sustentandam præstabit. De prouidentia loquimur, non de omnipotentia, cuius etiam opera speranda essent, quando tot thesauros in agro feracissimo, hoc est in sinu pauperum, Genuensis Respublica indefinenter abscondit.

V. De prouidentia Dei benignissima loquimur, cuius instinctu duo firmissima huic rei (ærariorum scilicet) fundamenta iacta sunt: alterum est inconcussa fides: alterum verò pars non exigua earum portionum in ijs vectigalibus, quæ, ut diximus, olim pecunias suas Republicæ credentibus in solum data sunt; quæ portiones (loca Sancti Geor-

POTENTIA: 85


Georgij dictæ) vel ab ipsa Republi-
ca sepositæ, vel à priuatorum mul-
torum studio in Rempublicam col-
latæ sunt, ad ipsa vectigalia redi-
menda; ac interim ex eorum an-
nuo fructu, quem nemo capit, alia
eiusdem generis loca, scè portio-
nes emuntur, quæ, si appareat ali-
qua necessitas, paratos habent em-
ptores, vel ad multorum veterum
testatorum voluntates implendas,
vel ad suas pecunias exili etiam
scenore ei debitori credendas, cu-
ius fides numquam defecit: Adeo-
que hinc fit, vt exiguo reddito con-
festim parari possit magna sors, in
publicas necessitates eroganda;
Vtque ex hoc vno fonte, ab qua-
cumque iniustitiæ sèce, limoque
purissimo (nempè aqua sponte sua,
sicut pluvia in vellus, sine vilo
querelarum fragore descendente)
ad nutum modò hauriri pos-
sint

86. DE REIP. GENV.

sint aureorum ad tricies centena millia, quod vel Regibus non sine labore contingit: & hoc peculium in dies ere-
scit, ac multiplicatur.



CAPVT



CAPVT QVARTVM.

DE GENVENSIS REIPVBLICÆ

Dignitate.

SECTIO PRIMA

DE ORIGINE REIPVBLICÆ

Genuensis.

I.



LTIMO loco de

Genuensis Rei-
publicæ dignita-
te dicendū: quæ
quidem, vt ex
Dominio, Gu-bernatione, & Potentia quasi ele-
mentis conflatur; ita ex multis qua-
si perfectis mistis augetur.Primum omnium Origo, Vetu-
stas; Mox res gestæ, virtus ciuilis,
& bel-

& bellica, magnificentia, honos Reipublicæ habitus à magnis Regibus, priuatorum diuitiæ, coniugia, potentia apud exteros, & si qua alia.

Originem Urbis Genuæ triplicem intuemur.

Primam scimus, ac nescimus. Nescimus; quia illi antiquitatis est obducta caligo, ac multa de Iano fundatore, alijsque verustoribus, ab alijs tradita, missa facimus, neque asserentes, neque confutantes. Scimus etiam; Nam, tradente Liuiο in principio libri trigesimi, Spurio Lucretio Prætori prorogatum imperium, ut Genuam, oppidum maritimum à Magone dirutum, ædificaret; certum est, Romanos, atque adeò quoscumque ante illos Italiæ dominos, absque damno Genua carere non potuisse. Quippe, dum Annibal Romæ ceruicibus immin-

bat,

bat, inter tot curas, tantraque dispendia, dum Punicis pluribus exercitibus plures exercitus opponendi erant, Romani Dux exercitus alieno utique tempore mutabatur in Architectum, nisi tanti fuisset Genuam statim intra annum in integrum restituere. Si ergo Genua adeo necessaria erat, oportuit & multo ante ædificari, semperque ab omnibus in Italia, atque in proximis regionibus dominantibus, magnifici: Cui rei etiam fidem adstruit multarum consensus ætatum, quæ Genuam Ianuam dixerunt; per illam enim petentibus Italiam, Italiaque excedentibus, quasi via militari, ingressio, & egressio est commodior, atq; communior. Testante ergo Livio de præclara, ac Romanæ rei necessaria secunda Origine, prima etiam necessaria, vetus, ac nobiliscius Origo ratione urgente

conuincitur : prima quidem ante
 quorumcumq; certorum annalium
 memoriam : altera secundo bello
 Punico, adeoque ultra secula duo
 de viginti circiter.

II. Quanta verò illa tunc fuerit,
 etiam aliunde suaderi potest. Scribit
 idem Liuius libro 28. in fine, Mago-
 nem, iuuentute lecta in classem im-
 posita, in Italiam triginta rostratis
 nauibus, & multis onerarijs, duo-
 decim millia peditum, duo ferme
 equitum traieccisse, Genuamq; , nul-
 lis præsidijs maritimam oram tutan-
 tibus, repentino aduentu cepisse :
 quæ verba implicant triplicem ex-
 cusationem Urbis captæ, nempe va-
 lido hoste, ex inopinato, & Senatu
 in vnum Annibalem conuerso, non
 sine tacita querela de incuria, vel de
 impotentia oræ maritimæ tutandæ.
 Rursus à Magone, Annibalis fratre,
 dirutam, sonat quid haud exile; non
 enim

enim tanti fuisset, in oppidum qualecumque salvare, facili Romanorum damno. Ab hac secunda Origine quæ fuerint Urbis Genuæ partes usque ad tertiam, quæ contigit seculo humanæ salutis decimo, libet paucis inquirere.

III. Certum est ex eodem Livio, Ligures Romanæ Reipublicæ, in summa eiusdem fortuna (domita nempe Cartagine, Africa, Græcia, Asia) triginta circiter annis negotium facessisse, Pisas quadraginta armatorum millibus oppugnasse, à Minucio Consule vix servatas; ferè semper cum ambobus Consulibus bellum gessisse, cum maximi nominis Ducibus signa contulisse, eos in castris obsedisse, & tantùm non furcarum Caudinarum (ut loquitur Livius libro 35. anno 558. ab urbe condita) exempla renouasse: Demum populū Romanum, Orbis iam
tūm

tum domitorem, sæpè in ea periculâ adduxisse, vt Romæ trepidatum sit, supplicationesq; decretæ, & quamplures ædes Romanorum numinibus dedicatæ ex votis pro publica salute susceptis. Neque hæc semper omne Ligurum nomen præstitisse; sed aliquando partem tantum aliquam, neque magnam, aliquando solos Ligures Ingaunos, aliquando alios, sed plerumque Apenninum incolentes, locorum angustia fauente. Hæc Liuius ab anno 545, ad annum 574. circiter ab vrbe condita.

Inter hæc nusquam apparet Genoua, quam ab Romanis constantissime aduersus Pœnos stantem legimus, aduersus verò Romanos, cum suæ gentis populis arma sociantem, non legimus. Meritò quidem, nam pro exædificatione gratia referenda erat.

IV. In alto cæteroqui rerum

Ge-

DIGNITATE. 93

Genuensium silentio, aliud agentes, incidimus in historiam Pistoriensem, Romæ anno 1656 typis excusam, auctore Michaele Angelo Salui: qui tradit anno 569. ab Roma condita, idest paulo post secundum bellum Punicum, annis verò 186. ante Christi Domini nostri aduentum, quosdam Ligures inter suos primarios, varijs casibus iactatos, & plerosque exules, ad urbem Pistorium confugisse, ibique, certis conditionibus receptos, sedes fixisse, opesq; comparasse: Exin magnam pecuniæ vim Genuam, Ligurum caput, misisse ad exilium redimendum. Mox, Pistorium reuersos, numero, & opibus auctos, euicisse, vt Pistorienses sibi onus imponerent soluendi quotannis Vrbi Genuæ auri libras centum. Hoc vno, altero uè anno impleuerunt: Sed postea, facti poenitentes, nedùm tributum pen-

pendere renuerunt; sed tantum non Genuenses incolas omnes, fortasse graues nimis, ac superbius agentes experti) Vrbe excedere coegerunt. Genuenses, re cognita, per legatum frustra officij admonitos Pistorienses, mox armis domuerunt. Sed, Genuensium exercitu vix ab capta vrbe digresso, Pistorienses, Fesulanis aditentibus, Genuenses incolas omnino exegerunt, iugumque excusserunt. Hoc vnum, vtrò, casuque oblatum, retulimus, aliorum incuriosi: nec enim iuuat vetera quæque nationum facta diligentius perscrutari.

V. Cæterum Genuæ quies usque ad Cæsares, & sub Cæsaribus, atque sub Italiæ Regibus Odoacre Erulo, Theodorico, & successoribus Ostrogotis, ac rursus sub Græcis Imperatoribus, & Exarchis.

Tandem, ingruentibus Longobardis

bardis , Genua Italica nobilitati tutum diu præbuit asylnm , atque confugium ; præcipue Mediolanensibus , eorumque Archiepiscopis , qui totis septuaginta annis ; Genuæ subfiterunt ; atque hinc maximum Genuensis res incrementum accepit ; quod dudum antea ortum habuerat , quando Attila , Hunnorum Rex , Aquileiam , Mediolanum , Ticinum , aliasque Italiae Vrbes expugnauit , & diruit , multis Italis Apenninum , ac mare pro muro , ac fossa inundationi tantarum copiarum opponere satagentibus . Sed Longobardi tandem , vniuersa Italia subacta , ibique Romani Imperij nomine ferè deleta , sub Rege Rotari , suæ nationis septimo , anno salutis 670. Genuam etiam expugnaverunt , & diripuerunt .

VI. Adeo in duobus populis ; æmulis olim futuris , variante fortuna,

tuna, Genuensibus scilicet, de quibus modo scribimus, Venetisque, ut ambobus eadem fuerit causa, vel originis, vel incrementi: sed Genuensibus ad cladem, Venetis ad victoriam. Siquidem barbarorum in Romanum Imperium irruptio, maximèque in Italiam, duorum, vel trium seculorum spatio, iuncos, arundinesque piscatorias Venetæ paludis firmavit in iacula: Hinc humiles piscatorum casæ, nobiliore habitatore ab circumiecto continente allecto, in tantum extulerunt sese, ut Venetæ, sua virtute armati, aquarumque reciprocantium (noui generis munitione) recti, maximis Regibus obniti, eosque ab vrbe sua arcere potuerint: Genuenses verò, à quibus, ut potè reliquis Italiæ populis validioribus, barbaræ nationes diù abstinuerant, quique & extraneos in tutelam accipere non renuerant;

puerant; tandem suæ hospitalitatis præmium direptionem, & Reipublicæ euersionem sunt consecuti. Durum utique bellum fuit Pipino Regi aggredienti Urbem, nedum undis circumfusam, sed, æstu naues hostium prius in breuia deferente, mox defixas in limo destituyente, securam. Quantum enim interest pugnare cum viris, vel cum elementis? Sed nec pronum erit posthac, Genuam fortè oppugnantibus, sulphureo puluere saxeos montes subuertere, atque inter cautes sibi de annona prospicere; adeoque humili aggere cacumina Apennini montis impetere: eritque æquè securum erectos ad sidera tollere vultus, ac inter undas, paludesquè, nec tamen minus prouidenter, ac fortiter delitescere. Naturæ enim, imò Dei donis opportunè vri, & fortitudinis, & sapientiæ est. Ergo ut mirabiles

sunt

E

cla.

elationes maris, ita & mirabilis in
 altis Dominus. Caterum quid ni
 aliquando patriæ meæ, de quibus-
 cunque, qui fortasse contingerent,
 hostibus sint sperandæ victoriæ,
 quando proximis his diebus in eius
 sinum, quasi de summo Cælo dexte-
 ra iniuncti Ecclesiæ militantis, ac
 triumphantis propugnatoris, ac pro-
 prii Genuensis Reipublicæ patroni
 Martyris Georgij delapsa est, quæ
 Genuensia purpureæ Crucis radian-
 tis signa ultro in hostes inferat, ac
 triumphet?

VII. Anno verò 795. Carolus
 Magnus Francorum Rex, Deside-
 rio Longobardorum Rege devicto,
 atque iam Romanus Imperator as-
 sumptus, Genuæ præfecturam con-
 cessit Comiti Adenaro, propinquo
 suo; qui, valida Genuensium classe,
 Saracenos Corsica expulit, & exin-
 de ea Insula quæsitæ Genuensibus
 fuit

fuit nec vnquam, nisi partim, vel
ad breue tempus amissa.


VIII. Iam verò ad tertiam ori-
ginem multò nobilissimam festinat
oratio.

Anno 936. erupit Genuæ fons
sanguineus, immane maximæ ca-
lamitatis, excidijque prælagium.
Absente enim ab Vrbe potenti clas-
se, Saraceni, acceptas clades vitum
euntes, repetito veteri Magonis
exemplo, commodam, tutamque
occasionem nacti, repentino aduen-
tu, Vrbein, propugnatoribus vacuâ,
inuadunt, intrant, diripiunt, incen-
dunt, multos mortales imbelles igni,
ferroque tradunt, multos, omnem-
que direptæ Urbis prædam ad naues
abducunt. Vix lætis vela dantibus
Saracenis, Genuensium classis ad-
uenit, patriæ tantum cadauer inue-
nit, hominum cadaueribus flammis
absumptis. Tanto constitit sangui-

ne prodigij sanguinei fides! Exanimati licet Genuentes miserranda specie, tamen, ruptis importuni luctus moris, cursum in Africam dirigentes, volatu potius, quàm remigio, hostes apud Corsicam, Sardiniamque assequuntur, aggrediuntur, iisque ad interaëcionem deletis, receptam prædam, non patriæ, in cinerem, pulveremque redactæ, sed præruptis scopulis, arenis, ac fumiganti adhuc patrio solo restitunt. Ex cineribus, ossibusque semiustis innoxie multitudinis, in odium fidei, Christianæque religionis incensæ; nulla humana ope, sed vno Spiritu Diuino flante, denuò extitit Ciuias Genua, noua, descendens, quasi de Cælo, à Deo igne probata, atque purgata, adeoque sine macula, sine ruga, nulli humanæ potestati subdita, vel obnoxia.

SECTION II.

*De Genuensis Reipublicæ Victorijs
aduersus Saracenos.*

I. ERTIAM, & postre-
mam hanc originem,
vt potè Diuinam, &
quæ duas priores suo
fulgore perstringit,
exceperunt innumeri euentus, om-
ninò maiores humanis. Qui enim
fieri potuit, vt Verbs nuper excisa, vix
vnius seculi spatio resumpro spiritu,
occasione Sacri belli in tot classes
eruperit, & tot, tantasque victorias
de communi Christianorum, sed
peculiari suo hoste (primum rediui-
uæ Reipublicæ facinus) reportauerit:
Graues Genuensium dexteræ in
multis Sacri belli expeditionibus sen-
sere Syria omnis, ac Palestina; easq;

propugnantes Turcarum, Persarumque phalanges: Præcipuè apud Hierosolymam, Antiochiam, Gibellum, Tortolam, Cæsaream, in cuius Urbis expugnatione obtigit eis catinus smaragdinus, quo lapide nullus toto orbe pulchrior, nullus splendidior, excepto eo, Genuensibus longè pretiosiori, in quo apud Christi Domini nostri sepulcrum insculptum fuit elogium illud

Præpotens Genuensium Præsidium,
quod mox, ingratissimè erasum, Alexandri III. Pontificis Maximi opera iussuque repositum fuit: qui Pontifex Genuenses, de sese, & de Ecclesia Dei optimè meritos, omnium nobilissimo titulo

Strenuos Ecclesia Defensores
suis Apostolicis literis appellauit.

II. Exinde in Occidète sub Maurorum seruitio gementem Almeriã libertati, Hispaniæque, vna cum
alia

DIGNITATE, 103

alia Tortosa, restituerunt. Mox, in
Africam versis armis, Tripolim ex-
pugnarunt; inde, percurrentes Me-
diterraneum, Sardiniam, Baleares,
aliasque minorum gentium insulas
Saracenis eripuerunt, Maioricę Re-
ge capto; Et demum Saraceni, gens
inimica Deo, tota ferè ora maritima
mediterranei maris facessere coacta,
& Africae inclusa litoribus, Ge-
nuæ in magnam potentiam
euectæ, eiusdem, per maxi-
mam crudelitatem in-
censæ, poenas
dedit.



S E C T I O III.

De Genuensis Reipublica Incrementis.

I.



OT, tantæque publico bono patriæ
victoriæ magnū
Reipublicæ Genuensis nomen
pepererunt, atq;
priuatorum opes auxerunt. Bellum
enim se ipsum alit; ditatque victores.
Hinc prompta occasio nationi, agri
penuria laboranti, per maria exercendi
commercia, quibus fit, ut quod
vsquam genitum est publico com-
modo apud omnes natum esse videatur.
Hæc communis utilitas omnium
Populorum, ac Principum, Regum-
que ad mare habitantium, Genuen-
sibus amicitiam conciliavit: & ideo
ubi

vbique honorificè excepti sunt, eisq;
 in maximis Urbibus propriæ Regio-
 nes, sedesque, ac Iurisdictiones,
 imò & amplæ ditiones attributæ,
 quibus eorum potentia immensum
 prouecta est. Hinc factum est vt in
 Græcia, in Thracia, in Asia, colo-
 nias collocarint; Mox, traiecto bos-
 phoro Thracio, aditoque Trapezun-
 tino Imperio Samastrum in Biti-
 nia obtinuerint; Inde flexo in Sep-
 temtrionem cursu, Bosphorū Cym-
 merium penetrarint, & Palude Meo-
 tide trasmissa, Tanais fauces, Ta-
 namque Urbem tenuerint, in qua
 ad nostram ætatem durant adhuc
 nobiles Genuensium familiæ, cum
 ijsdem, quibus Genuæ fulgent, insi-
 gnibus; In Tartarorum Imperio, ac
 Taurica Chersoneso, possederint Cē-
 balum, quam aliquando rebellan-
 tem per Carolum Lomellinum, vali-
 dæ classis Ducem strenuum, rece-

perunt: In eadem magna peninsula
 possederint etiam Soldani, Gothie
 regionem, Theodosiani (hodie Cat-
 sam) Urbem multò nobilissimam ,
 quam anno 1357. Gottifredus Zoa-
 lius Consul Genuensis, & Guberna-
 tor, magna ex parte cinxit mœnibus,
 adeoque muniuit , vt Tartarorum
 Imperator illam aggressus , cœptam
 oppugnationem maxima accepta
 clade dimittere adactus fuerit. Quam
 verò in vastis illis Regionibus, & ho-
 die , certè vsque ad patrum nostro-
 rum memoriâ duret inclyta Ge-
 nuensium fama , colligi potest ex ijs,
 quæ scribit Antonius de Herera ,
 Philippi II. Hispaniarû Regis histo-
 ricus , qui lib. XVI. cap. 8. primæ
 partis suæ generalis historiæ, de Mo-
 scouia agens , deque Magno eius-
 dem Duce , Russiæ Imperatore, tra-
 dit quomodo succedatur in Imperio,
 & præcipuè de consecratione Impe-

ratoris , quæ fit hoc modo . Inter
 Missarum solennia à duobus Ar-
 chiepiscopis successor accipit Mi-
 tram , innumeris lapidibus pretiosis ,
 ac margaritis ornatam , quæ fuit Vo-
 lodomeri , olim Russiæ Imperatoris ,
 vnà cum baculo argenteo , atque
 aureo monili , ab eodem Volodome-
 ro bello quæsitis , dùm præliaretur
 cum Consule Genuensi , qui Teodo-
 siam Urbem regebat . Tanti estimant
 Russiæ , Moscouiæque nationes , ali-
 quando Imperatorem suum aliquod
 victoriæ insigne de Consule vnus
 Ciuitatis , Genuensibus subditæ , re-
 portasse , vt baculum illum , ac mo-
 nile , quasi pro sceptro , atque coro-
 na , in insigni , & solemni die suæ cō-
 secrationis , nouus Imperator acci-
 piat . Quid plura ? Genuensis priua-
 tus ciuis Megolus Lercarius , vltor
 illatæ sibi à quodam continuo Tra-
 pezuntini Imperatoris iniuriæ , aded

illi insulcauit Imperio, vt, ipso Imperatore inimicum tradere coacto, benigna ultione contentus, vtriusque simul procacia colla magnanimo pede calcauerit. Quæ, aliaque mox dicenda, admirationi non erunt, si memoria repetatur eorum, quæ à Liguria passa est (vt diximus) in omni gloria sua Romana Respublica.

II. Modò redeamus in Thraciam. Michael Palcologus, Genuensium opibus, & ingenti classe, Græcopotius Imperio, iisdem Galatam, seu Peram, mille tantum passibus à Constantinopoli distitam, Smyrnam, Chium, aliasque ditiones donauit, quas, atque Lesbum, Lemnumque, & Achaiam Prouinciam diù possederunt.

III. Anno 1372. Cyprum ceperunt: Exinde, pace constituta, Regi Regnum restituerunt, annuo tributo imposito, atque Vrbe Famagusta


gusta retenta, quam totis nonaginta annis tenuerunt, adeoque habuerunt & ipsi instrumenta seruitutis, & Reges, Cypri scilicet, de quo nunc sermo, & Sardinie, ex conventionē perpetua inita cum Rege Barisone anno 1164. cui nunquam defuit nec ipse, nec successores, vsque ad annum 1354. quo Aragonij illud Regnum inuaserunt.

IV. Sed dudum antea Emmanuel Comnenus, Græcorum pariter Imperator, anno 1155. recepit, se quotannis soluturum Genuensi Reipublicæ, quingentos perperos (nummi nomen) cum duobus deauratis altarium integumentis; & Archiepiscopo Genuensi perperos sexaginta, & simile integumentum vnum, quorum pars aliqua adhuc extat. Postea anno 1261. Imperator Michael Paleologus eadem recepit, & præstitit.

SE.

S E C T I O . I I I I .

De Bellis cum Pisanis.

I.  ENVENSIVM progressus , quos attigimus , magni haud dubiè fuerunt: sed maiores fuissent , ni obstisset finitimus hostis acerrimus Pisana Respublica , & ipsa mari adeo potens, vt Carthaginem expugnauerit, eiusdem Regem Mahometanum Romanam duxerit in triumphum, mox, Christi fidem amplexum , Regno restituerit . Vt ergo Romanis quondam , & Carthaginensibus belli Punici secundi, ac maximi omnium, quæ vnquam gesta sint , causæ fuerunt Sicilia , atque Sardinia; ità Genuensibus, ac Pisanis , Sardinia , & Corsica .

II. Pri-

II. Primò congressi sunt duo præpotentes populi ad annum 1070 sed haud magno nisu : Iterum ad annum 1118. quo bello Genuenses mare quandoque operuerunt centum quinquaginta nauigijs, plerisque triremibus, eoque hostes adduxerunt, ut singulas priuatorum domos ad primam contignationem, seu concamerationem redigere, ac deprimere coacti sint. Ultimo verò bello ad annum 1284. omnino debellatum est, atque exinde miseri Pisani nunquam emergere potuerunt ; adeoque anno 1504. à Genuensibus petierunt, ut eos in fidem, ditionemque reciperent, quod Genuenses renuerunt, malo publico, aliquorum ciuium suorum malignitate, fortassè etiam perfidia.

III. Hoc postremo duorum annorum bello sæpè pugnatum est, & Genuenses quinque triremium aliorum

rum

ruinque nauigiorum classes adornauerunt, quæ conficiunt summam triremium centum octoginta octo, & postrema pugna in Portum Pisanum irruerunt, rupta insignis magnitudinis catena ferrea, quæ extat, trucidatis hostium quinque millibus, nouem millibus captis, inter quos ipso Prætorè, atque Nobilitate uerſa; & aliquando ab hora tertia vsque ad uesperas instructæ, armatæque sunt Genuæ, præter octo maiora nauigia, duo de sexaginta triremes, ut tradit Episcopus Nubienſis ſcriptor probatæ fidei.

IV. Si liceat parua componere magnis, P. Scipio, mox Africanus maior, classe traiecturus in Africam, cum triginta nauium carinæ (ut ait Liuius libro 28. circa finem) viginti quinquere mes, decem quadriremes essent positæ; ita institit operi; ut die quadragesimo quinto, quam ex
 fil.

DIGNITATE. 11;

fluis detracta materia erat, naues
 instructæ, armatæque in aquam de-
 ductæ sint. Breue omnino quadra-
 ginta quinque dierum parandæ, at-
 que in aquam deducendæ magnæ
 classis spatium. Sed quid arduum
 fuerit, Scipione iustante, Romanæ
 Reipublicæ? Atqui, ab hora tertia
 usque ad vespertas, interuallum verè
 nullum, quodq; vix classis expedien-
 dæ edicto promulgando sit satis: Un-
 de omnino conficitur, illo æuo Ge-
 nuam suos Scipiones habuisse, om-
 niaque parata, maximè verò p̄optos
 animos quibuscumque conatibus;
 atque illorum armis nullam adhæ-
 sisse rubiginem.

V. Viâtriciûm harum classium
 Duces silentio prætereundi non sũt,
 debellat tandem tanto hoste. Fue-
 runt ergo Thomas Spinola, Dux tri-
 remium triginta quatuor, Conradus
 Dorja trirremium quinquaginta qua-
 tuor,

tuor, Obertus Doria triremium sep-
 tuaginta, qui erat alter ex Reipubli-
 cæ Capitaneis, vt vocabant, Hen-
 ricus de Mari triremium viginti
 duarum, & Benedictus Zacharia
 triremium triginta. Qui verò
 in portum irrupit, & con-
 fecit opus, fuit Obertus
 Doria Capitaneus,
 iuncto sibi Zacha-
 ria.



SE:

SECTIO V.

DE REBUS GESTIS PRO FRIDERICO Primo, alijsque Sueuica domus Imperatoribus.

I.



XPEDITIS bellis Pisanis, tradenda sunt ea, quæ Genuenses gessere pro Friderico Primo Romano Imperatore, qui Italiam maximis copijs armatus intrauit, iura Romano Germanici Imperij iam obsoleta restitutus. Fridericus ergo Insubriam, & proximas Regiones in potestatem redegit, & Mediolanum excidit, ac solo æquauit. Genuenses sibi met dupliciter consuluerunt: Primum Vrbi duodesexaginta dierum spatio firmissima (vt eo seculo) moenia circundederunt, quod incredibile

bile de opere completo, est verosimile de perducto ad eam altitudinē, quæ propugnatores tegere, securosque redlere posset in pugna: Simul Legatos ad Imperatorem, Ticini agentem, miserunt, per quos non modo concordia firmata est, sed etiā conuentum, Genuenses suis classibus daturus operam, ut Fridericus potiretur Neapoli, atque Sicilia, quæ ambo Regna ad Henricum filium iure dotali pertinebant, pactumque præniū in Siracusa, Vrbis Siciliæ nobilissima.

II. Imperator, Genuensibus adnitentibus, Regnis potitus est, & obtulerunt Genuensibus Siracusa; adeoque, si non Sicilia tota, saltem nobilissima eius pars Genuensibus obtigit, ne quia maris mediterranei alicuius nominis Insula (exceptis Corcyra, Cephalenia, & Zacyntho, quæ ad fauces maris Adriatici sitæ sunt

sunt, ideoque quasi Venetis debitæ) Genuensium omninò diceretur subterfugisse Dominium: Omnes enim alias aliquando in eorum potestatem peruenisse vnde quaque collegimus. Et ipsa Rhodus, cum quinque alijs minoribus adiacentibus insulis, ab Saracenorum seruitio, per Equites Hierosolymitanos, non nisi adnitente Romano Pontifice, & decem Genuensium trirēmibus, erepta est: Insuperque anno 1371. Genuenses Melitam Insulam, &

Massarum Urbem in Sici-

lia subegerunt, piratarū

ad illas confugien-

tium ma-

lo.

SE-

SECTIO VI.

DE REBUS GESTIS PRO SAN-

*ctæ Romanæ Ecclesiæ aduersus**Fridericum II. Impera-*
torem.

I.  RIDERICO Impera-
tori successit Hēricus,
Henrico verò Frideri-
cus Secundus, qui diū
in Genuensium per-

stitit amicitia: Sed, vt primum de-
sciuit à bonis, & Sanctam Roma-
nam Ecclesiam vexare cœpit, Ge-
nuensem etiam Rēpublicam, Ec-
clesiæ, Deoque semper adhæren-
tem, agitare non destitit; atque in-
ter varias conflictationes, aliquando
Genuensium classis, cum aliquos
Cardinales, & quamplures Episco-
pos Romam ad Pontificem Grego-
rium

DIGNITATE. 119

rium nonum centenarium, Concilium aduersus Fridericum cogere satagentem, trasuehendos, ipso per Legatum suum flagitante Pontifice, suscepisset; cum Imperatoris, Pisano-
rumque simul iunctis classibus infeliciter pugnavit, triremibus duabus supra viginti desideratis. Sed paulò post Imperatoriam classem obsedit apud Sauonam, quæ ab aliquibus Genuensibus, pro Imperatore aduersus Patriam stantibus, à Republica autulsa fuerat, & parum absuit, quin illam opprimeret. Sed, orta valida tempestate, Genuensium classis coacta fuit ad portum viciniorem confugere, &, priusquam ad obsidionem, prioremque stationem rediret, in Siciliam Imperatoria classis aufugit; ac malè à mari, pèius ab hostibus constante obsidione multata.

H. Bellum hoc, pro Pontifice

Ro.

Romano Gregorio IX. susceptum, & pro Innocentio IV. (quem aliquando classis Genuensis faucibus Imperatoris exemit) ad multos annos productum; Genuensibus (tamen si semper, excepta una illa memorata pugna, victoribus) bellum ciuile dedit, pessimo publico, quod Reipublicæ obstitit incrementis, imò illam maximis detrimentis attriuit: ab illo enim factiones Guelphorum, & Gibellinorum, aliæque alijs nominibus, sed re eadem, inducæ sunt. Hinc primò accersiti sunt Iudices, ac Prætores extranei, controuersijs iudicandis, criminibusque puniendis: Scilicet Cives, factionibus scissi, res suas, imò & caput suum aduersarum partium Iudicibus committere non audebant. Mox gliscentibus in dies simulatibus, ac inimicitijs inter nobiles, locus factus est alijs sese in Reipublicæ gubern.

bernationem intrudendi, & etiam quandoq; nobiles extrudendi: adeoque ab anno 1300. circiter innumera sibi inuicem succedentes extiterat Reipublicæ mutationes usque ad annum 1528. cum tandem redijt amor pacis, & ciuilis cura concordia; quæ iam fermè sesquiseculo durauit; & durat.

III. Nec mirum Genuam, semel peste belli ciuilis infectam, diù semetipsam miserè lacerasse, iuxta Oraculum Diuinum de quocunque Regno in se ipso diuiso, atque discordi: Nihil enim intollerabilius Genuensibus, qui iam indè ab anno 936. atque à tertia origine, quam retulimus, plena libertate fruebantur, quique tot, tantisque periculis sese, vel pro fide, vel pro Maris Imperio indefinenter obiecerant, quàm inimico: cui parere. Nam discordia volaticum quidem est malum,

F

sed

sed pertinax, & suos utique furentos
 impetus modò hùc, modò illùc, sed
 semper in discordes ipsos obstinatè
 conuertit: Utque aliquando facef-
 sisse videatur; tamen usque recurrit,
 ac validior recrudescit. Siquidem
 populi, qui dicuntur aquæ multæ,
 facilius mouentur in fluctus, quàm
 redeant ad tranquillitatem; & sæpè,
 vel finito bello, pax tardè redit. Con-
 tra autem concordia verè dici po-
 test Spiritus vadens, & non rediens,
 nisi vehementi Spiritu gratiæ cæle-
 stis afflante, quod tandem aliquan-
 do Genuensibus benignitate Diui-
 na contigit. Si quidem post duo, &
 ultra tristia admodum secula, Deus,
 mala, in quæ Genuenses sese pro
 sua Ecclesia induerant, miseratus,
 eis curandis manum admouit; nec
 alij cuicumque vel Ciui, vel extero,
 rerum potito, curationem manda-
 uit; nolens illos, aut Libertatis ia-

etura, aut alterius partis internecio-
ne, proscriptioneque pacem recu-
perare; Imò vincentibus semper do-
dit calculum candidum, bonam sci-
licet, piamque mentem erga victos,
ne post victoriam, in alicuius necem
durarent, firmandæ dominationi:
quæ in prosperis moderatio vix de
alia Republica legitur: opus omnino
miserentis Dei; qui non fecit taliter
omni nationi; Certè, vt Romana
res vtcumque maneret, vñum im-
peritare oportuit, omnemque po-
tentiam ad vñum conferri pacis in-
terfuit. Ergò anno 1528 Deus,
pestilentia flagello arrecto, Genuë-
ses ad vñici ordinis constitutionem,
per quem Respublica administrare-
tur, adduxit.

IV. Mirabile est, in tanta plus-
quam duorum seculorum iactatio-
ne, atque inconstantia, qua tantum
ciuile sanguinis haustum est, tan-

tumque auri profusum, Genuenses, in expeditionibus, quæ aduersus externos hostes innumeræ contigerunt, tot victorias reportasse, etiam dum Reipublicæ gubernacula sæpè externis Principibus, vel concorditer credita fuissent, vel ab altera factionum, suis viribus diffidente, & externis potius, quam Ciuibus, cedere volente, tradita.

V. Itidem miraculo esse debet, tanta Genuensium in longinquis Orientis, & Septentrionis regionibus dominia, ad tot Reipublicæ mutationes non concidisse, & nullis vnquam, nisi Turcarum armis, capta demùm Constantinopoli, & nec statim, nec omninò cessisse: Nam Chium insulam vsque ad annum, 1566. tenuerunt, vulgato primùm per Genuenses arcano, diremptas immenso mari, atque tanta terrarum distantia gentes, iusto imperio regi

regi posse, armisque propugnari.

VI. Ut vel ex his pateat, Exterorum gubernationes semper precarias fuisse, ad quietem Civium, non ad Exterorum dominationem inductas, & ad qualemcumque Civium concordiam semper excultas. Nàm alioqui minimè integrum fuisset Reipublicæ pro arbitrio in regionibus remotissimis, pro suis ditionibus, dominijs, atque commercijs bella gerere; atque omninò oportuisset à proprijs ad Exterorum Dominorum (si Domini fuissent) commoda, arma convertere. Quod etiã patet ab Sancti Georgij domo, in qua vis Reipublicæ fortuna, ab omni vi semper intacta, quod Romæ, Caio Julio Cæsare Vibepotito, in ædæ Monetæ utique non euenit. Itaque omnes, de Reipublicæ mutationibus loquentes, vel scribentes, eas non Dominij, sed Gubernationis

mutationes appellauerunt :

VII. Quod etiam aliundè. patet expressè; Nam quantumvis aliquandò Genuenses Exterorum Gubernationi subessent; tamen; de Dignitate contententibus eorum Legatis cum Legatis Reipublicæ Florentinæ, semper controuersia fuit Genuensibus adiudicata; scilicet coram Callisto Summo Pontifice anno 1436. Postea sub Iulio II. & Leone X.; itidem anno 1526. coram Carolo V. Imperatore; nec non anno 1499. coram Ludouico XII. Rege Francorum. Præterea anno 1493. sub Gubernatore Mediolanensi Respublica, ipsa per se, missis ad Reges Catholicos Ferdinandum, & Isabellam Legatis, cum illis pacem iniit. Vtcrius anno 1504. sub Gubernatore Franco, Pisani à Florentinis afflictis, totis viribus pluries institerunt, vt Genuenses eos sub eo.

rum

rum dominio reciperent, vt supra
retulimus. Ludouicus XII. Rex
idem percupiebat: Sed Genuenses
obfirmato animo tenuerunt. Idem
Rex non ita multo post enixe petijt,
vt Respublica Corlicæ Episcopos
mitteret ad Concilium Pisanum, sed
frustrà, immota semper Republica:
& Rex acquieuit.

Prima Exterorum Gubernatio
obtiguit Henrico Lucēburgensi Im-
peratori, cui concordibus Ciuum
animis delata fuit ad viginti annos.
Sed longè breuior fuit ipso Impera-
tore vitâ functo. Mox aliæ Extero-
rum Gubernationes vix inducæ
euauerunt: Scilicet Genuensibus
non nisi in libertatissima nactis ani-
mi tranquillitatem. Ferale ergò haud
dubiè Genuensibus fuit bellum pro
Ecclesia Sancta Dei cum Friderico
II. Imperatore susceptum: Sed tanti
fuit vel vltima pati pro Deo.

S E C T I O . VII.

DE BELLIS CVM VENETIS.

I.



ERVM enim vero, præ tot variorum armorum strepitu, videbimur fortasse obli-
ti bellorum, quæ

Genuenses gessere cum Venetis: Sed cen suimus incipiendum nobis esse ab antiquioribus: Nec annaliū modò res cum aliquo Populo, vel Principe gestas, cum alijs esse confundendas. Bella cum Venetis non adeo antiqua: Nàm anno 1238. iū-
ctis viribus, & communicatis vtriuf-
que Ciuitatis insignibus, in Sarace-
nos Christianorum bono pugnaue-
runt. Sed circa annum 1258. orto
in Palestina aliquo inter priuatos

Ve-

Vencios, ac Genuenses iurgio, bellum exarsit. Longum esset omnia euenta recētere multorum bellorū, quæ per annos septuaginta Genuenses, ac Venetos exercuerunt varia fortuna, sed plerumque prospera Genuensibus, & numero victoriarum, & magnitudine, & vniuersæ ferè Venetorum maritimæ ditionis iactura, & tandem ipsarum Venetiarum, & libertatis summo discrimine: cum è contrario Venetæ classes Liguriam, Ligusticumque mare vix aspexerint, & rarò Tyrrenum, quæ obuia sunt apud illorum temporum scriptores. Per hæc bella Genuenses aliquando ceperunt Oppida maritima Clodiam, Tergestum, Iustinopolim, Polam, Iasulasque Cretam, Euboeam, Naxum, Andrum.

II. Genuensium Duces, quorum auspicijs magnæ res gestæ, multi

F 5 fuc-

fuere : Nicolaus Spinula Dux duodeviginti triremium pugnat feliciter cum triremibus duodeviginti, earum viginti quinque captis, ac in triumphum ductis. Obertus Doria, Dux ducentarum triremium, in quibus armatorum quadraginta quinque millia, & ex ijs octomillia vestibus auro renidentibus, ad pugnam prouocatus, hostem apud Siciliam præstolatur, sed frustra. Lamba Doria, alter ex Urbis Capitaneis, cum triremibus duode nonaginta pugnat cum Veneta classe numero maiore, eaque profligata septem supra octoginta triremes capit, quarum sexaginta septem incensis, reliquas, cum septemmillibus captiuorum, & Ducis Veneti caduere, triumphans ducit in patriam. Pagannus Doria, Dux sexaginta triremium, vincit Venetos, Catalanos, & Græcos è conspectu Constantinopolis, captis.

captis hostilibus triremibus quadraginta nouem, cæsis hominum quatuor millibus; & potitur Tenedo, notissima fama insula. Idem elapsis annis duobus, iterum vincit pugna magna, capto Veneto Duce, cum alijs quinque millibus quadringentis. Lucianus Doria vicit etiam pugna memorabili, sed gloria posthuma; in ipsa enim pugna iam victor occubuit. Nouissimè autem Petrus Doria, in ipsa lacuna, post captam Clodiam, victor iterum nauali pugna, acrogatus de pace, nimis superbè agens, & quascumque condiciones respuens, vrgensque, ut omnia suo permitterentur arbitrio, meruit à fortuna indignata, vel fatigata destitui. Nam Veneti capto à suæ lacunæ peritia consilio, & aliquibus nauibus loco opportuno demersis: Petrum, classemque in Clodiano portu clauserunt, adeoque huius

facti beneficio ex victis victores eua-
 serunt. Ex innumeris pugnis
 hæc fuisse præcipuæ. Alio-
 quin vario Marte pugna-
 tum est, nec vn-
 quam Genuen-
 ses aliquid sup-
 de
 ijs, quæ posside-
 bant, amisc-
 rupt.

SE-

SECTIO VIII.

DE BELLIS CVM ARAGONIIS.

I. **M**ODO transeundum
ad bella Genuensium
cum Aragonijs. Boni-
facius VIII. Pontifex
Corficam à Genuen-
sibus ad Iacobum Aragoniæ Regem
transferre induxit in animum: quo
iure, ipse viderit, ac senserit. Ad an-
num ergò 1332. bellum cœpit. An-
tonius Grimaldus Dux triremium
quadraginta quinque, Maioricam
capit, & diripit, & oram maritimam
Cataloniæ terret magis, quàm dam-
no afficiat. Idem mox anno 1353.
Dux sexaginta triremium, apud Sar-
diniam cum classibus Venetorum,
& Catalanorum triremium octogin-

ta congressus, vnam supra quadraginta tritemes auxit. Anno verò 1420. Alphonfus Rex Caluium ex inopinato intercept, Bonifacium potenti classe obsedit: sed Genuenses cum post acrem pugnam abscedere coegerunt, & non ita multò post, Francisco Spinula Duce, septem naues Aragonias fugauerunt.

II. Inter hæc, contendente Rege Alphonso cum Ioanna Regina de Regno Neapolitano, decreuerunt Genuenses Reginz valida classe opitulari, quæ classis Caietam deductione recepit, & exinde Neapolim. His cognitis Alphonfus Rex cum maxima, atque instructissima classe festinans aduenit, vt Caietam recuperaret, mox Neapolim: Cumq; Blasium Axeretur, Genuensium classis præfectum, minaciter admonuisset, vt inde facesseret, neque indignationem suam à Caieta in se

conuerteret; respondit Genuensis,
 se aduenisse ad Caietam obsidione
 liberandam. Concurrerunt ergò
 infensæ classes; & victoria contigit
 Genuensibus, captis Rege Alphons-
 so, & Rege Nauarræ, ac Henrico
 eorum fratre, cum amborum Re-
 gnorum nobilitate primaria. Victo-
 ria omninò inter maximas recēsen-
 da, quæ magnum Duci nomen me-
 ritò peperit: sicuti etiam Francisco
 Spinulæ Caietæ, eius virtuti com-
 missæ, acerrimæ, & nobilissima pro-
 pugnatione: qui Franciscus, reuersus
 in patriam, paulò post eidem Patriæ
 fuit auctor Libertatis, & vindex. Tã-
 dem pax conuenit, sed breuis, &
 anno 1458 reerudit bellum, missa
 ab Rege Alphonsò ad Genuam ipsã
 oppugnandam magna classe: Sed
 Deus bello finem imposuit; ipso Al-
 phonsò mortè sublato.

an do, de m. 3. b. iv. sub 10. m.

S E C T I O IX.

DE REBUS GESTIS PRO TVEN-
da Constantinopoli.

I.



OS quoque iuvat,
post longam ar-
morum tractatio-
nem, quiescere,
additis ijs tantum,
quæ Genuenses
pro Constantinopoli conseruanda
præstiterunt.

Anno 1457. Mahometes, Turca-
rum Imperator, Regiam Urbem
ducentorum nauigiorum classe, &
trecentorum armatorum millibus
stipatus aggreditur. Iuxta Constan-
tinopolim sita est Galata, siue Pera,
Genuensium verus Colonia, illis
quondam à Michaelè Græco Impe-
ratore data, vt dictum est, ob ma-
gna

igna ipsorum promerita, & ab ipsis
sibimet, aduersus aliorum Impera-
torum ingratissimos conatus asserta.
Prospicientes ergò Genuenses im-
minentem à Mahomethe tempesta-
tem, Galatam (cuius res agenda erat,
si Constantinopolis peteretur) valido
præsidio firmauerunt, eoque ma-
gnum armorum apparatus mise-
runt.

II. At Galatæ, quamuis aduer-
sus Turcam; cum quo pacem habe-
bant, nihil mouerent apertè, age-
bant (vt loquitur Leonardus Archie-
piscopus Mitylenensis, qui bello in-
terfuit, & fuit captus ab hostibus);
*solicitam prouidendi curam armo-
rum, ac militum.* De propugnato-
ribus urbis Spondanus, tametsi Ge-
nuensibus parùm æquus, habet in
margine, *Ioannes Iustinianus* (quem
Imperator Constantinus in sum-
mum Ducem elegerat) *columen Vr-
bis*

*bis. Item, Stupet Mahometes ad
fortitudinem propugnatorum.*

III. In narratione verò, *Qui an-
tem hac præcipuè apud Græcos, ope-
rabatur, Ioannes Iustinianus erat
cognomine Longus, patria Genuensis,
navium Ligusticarum, quæ in portu
erant, Præfectus: Qui Græcorum
ignaviam miseratus (ut Zigomalas
ipse Græcus in genè fatetur) accepta
ab Imperatore rerum intra ciuita-
tem summa, ita sua dexteritate, con-
stantia, ac fortitudine Turcarum co-
natus elusit, ut quamdiu stetit, ste-
terit etiam Ciuitas, ubi cecidit, ceci-
derit & ipsa.*

IV. Genuenses magna pars fue-
re Exterorum, qui Urbem tutaban-
tur, præcipuis inter illos Paulo, Troi-
lo, Antonioque de Bochiardis fra-
tribus, de quibus idem Leonardus
hæc scribit. *Paulus, Troilus, Anto-
nius de Bochiardis fratres, in loco ar-
duo*

duo Miliandri, quo Vrbs situbabat,
 ere proprio, & armis, summa cum
 vigilantia noctu, dieque, & spingar-
 dis horrendis, & balistis viriliter
 pugnam sustinent, qui tanta animosi-
 tate nunc pedites, nunc equites de-
 fendunt, ut Horatij Coclitis vires re-
 pulsus hostibus aquare viderentur.
 Nam, nec mari fracti concussione, nec
 machinarum turbine territi, ater-
 nam sibi gloriam vendicant. Ab eo-
 dem Leonardo recensentur inter
 defensores insignes Hieronymus Ita-
 lianus, Leonardus de Langasco, Ioā-
 nes de Furnarijs, Thomas de Salua-
 ticis, Aloysius Gatilufius, omnes
 Genuenses, & nobiles. Septem Ge-
 nuensium naues, inter quas duæ Ioā-
 nis Iustiniani, summi Ducis, por-
 tum clauserunt, & egregie tutatæ
 sunt, ut habet Phranzes, cuius ope-
 ra, & consilio Constantinus Impe-
 rator omnia administrabat; qui ad-
 dit

dit, *Manueli è Liguria regio ad portam, qua aurea dicitur, cum ducentis sagitarijs mandatur.*


V. Insuper Genuenses (dum bellum cum Rege Alfonso Aragonio gerebant, à quo Rege Sancti Florentij in Corsica oppidum captum fuit eodem tempore, quo capta à Mahomethe Constantinopolis) Nicolai V. summi Pontificis hortatu, non reuenerunt classem in auxilium Constantinopolis adornare: ratio utique exemplo: fortasse sine exemplo. Si enim Romani, Annibale Reipublicæ exitium intentante, miserunt sæpè suis per Hispaniam exercitibus supplementa, sua tutabantur. Genuenses Constantinopoli propugnandæ, præter ea, quæ diximus, quæque dicemus, classem parantes, tutabantur aliena, quasi rerum obliti suarum.

VI. Quod autem omnia super-

gre-


greditur, omnemque ferè fidem ex-
 cedit, Mauritius Cattaneus, nobi-
 lis Genuensis, trium Genuensium
 nauium præfectus, aliamque nauem
 onerariam, frumento onustam è Si-
 cilia ducens, pugnat è conspectu
 Constantinopolis cum classe Turci-
 ca nauium ducentarum, vt Leonar-
 dus refert, eaque profligata, & duo-
 decim Turcarum millibus cæsis, ipso
 Mahomethe inspectante, ac furen-
 te, & nec quicquam trecentum ar-
 matorum millibus stipato; nullo ex
 suis cæso, paucis faucijs Urbem in-
 trat. Sed hæc omnia frustra sunt
 acta, & Vrbs inclyta, Ioanne Iu-
 stiniano sagitta transfixo, & pugna
 excedere coacto, expugnata est:
 Mox dedita Galata; Exinde paula-
 tim omnes Vrbes, Regiones, & In-
 sulæ, quas Genuenses ad fauces Ta-
 nais, in Taurica Chersoneso, in Bi-
 tinia, atque ad pontum Euxinum,

in Asia minori, in Græcia, atque ad
 Ægeum mare possidebant, à Tur-
 cis subactæ sunt, præter Chiū,
 quæ duravit usque ad an-
 num 1566., quo à Soli-
 mano capta fuit. Tunc
 verò res, contigit
 admirandæ vit-
 tutis, quam
 memora-
 re,
 in tantarum cladum sola-
 tium, opportunum est,
 atque tacere es-
 set iniurio-
 sum.



SECTION X.

DE VIRIS SANCTIS GENVEN-
SIBVS, VEL ILLVSTRIBVS.

I.  HIO capta, Solima-
nus Imperator (in-
quit Spondanus an-
no 1566. num. 8.)
iussit Iustinianorum
familias Theodosiam, in Taurica
Chersonesa depositari. Cumque unus
& viginti eorum pueri, circiter de-
cennes, ex alacrioribus, & magis vi-
vidis, Constantinopolim adducti, in-
ter Solimani Ephebos enutriendi, re-
tenti fuissent, & vi circumcisi; nullus
tamen eorum, in tenera illa aetate in-
duci potuit ad fidem abnegandam,
Unde, virgis dirissime casi penè om-
nes interierunt, quorum unus sub
mortem adstrictus digitum attollere

in signum abiurata fidei, è contra ita digitos ad pignum strinxit, ut nec vino, nec mortuo manus amplius aperiri potuerit. Hæc Spondanus.

II. Grande puerorum facinus antecesserat aliud admirabile, atq; insolitum scēminatum, quod idem Spondanus tradit his verbis, ad annum 1301. num. 14. *Memorable est, quod hoc eodem anno nonnulla mulieres nobiles Genuenses, ardore fidei ad subsidium Terra Sancta accensa, dum Reges, & Principes, aliq; Dynasta, ad arma docti, ei succurrere detrectarent, virilem animum induentes, non solum suorum largitione bonorum suppetias ferre decreuerunt, verum etiam ipsæmet cum nonnullis suis concubibus, transfretare, ad exhibenda obsequia bellatoribus Christi; quarum laudabilem conatum Bonifacius Pontifex dignis præconijs commendavit, tam ad ipsas*
met

met scribens quam ad Porchetum Spinulam, ordinis fratrum minorum, Archiepiscopum Genuensem, & alios.

Harum verò Bonifacij Pontificis literarum exempla in Reipublicæ Palatio, vnà cum earundem mulierum loriceis, & galeis asseruantur, & sunt huiusmodi.

DILECTO FILIO FR. PORCHET-
to Spinulae Administratori Ec-
clesiæ Rannensis.

EN quod expectabamus inuenimus, vidimus, mulieres scilicet fortes, se per pietatis, & virtutum opera exercentes, suorum penitentiarum, & laborum panem portantes de longè, de exilio, scilicet præsentis peregrinationis, ad patriam, & surgentes de nocte mundalium tenebrarum, vt domesticis fidei Crucis aduersarios dent in prædam, &

G quasi

quasi non habentes hic manentem
 ciuitatem; futuram inquirant; ac-
 cinxerunt fortitudine lumbos suos,
 brachium suum virilibus operibus
 roborarunt, quorum lucernæ non
 extinguentur in nocte; manus suas
 miserunt ad fortia, & palmas suas
 aperierunt inopibus, impendendo
 subuentionis auxilium exulibus Ter-
 ræ Sanctæ pauperibus; à frigoribus
 niuis suis domibus non timebunt,
 cum sint vestitæ duplicibus; dabitur
 eis de fructu operum suorum, & in
 portis earum opera laudabuntur; quæ
 sunt hæ, & laudabimus eas in vita
 sua mirabilia facientes? Istæ sunt
 nonnullæ nobiles Ianuenses, & ip-
 sarum sociæ, ac sequaces, quæ diui-
 nitùs inspiratæ, in sexu fragili viriles
 animos induerunt, exurgentes in
 dictæ Terræ succursum, ut stent cum
 Christo constanter in acie aduersus
 malignantes, & aduersus operantes.

iniquitatem, qui, proh dolor, terram
 inhabitant memoratam. O' miracu-
 la, ò prodigia, sæminæ præueniunt
 viros in sæpèdictæ Terræ succursum.
 Hæ amictæ Sole, temporalia sub pe-
 dibus suis sternunt, significata per
 Lunam. Reges, & Principes mun-
 di succurere, etiam inuitati, effu-
 giunt, sæminæ imbecilles vltro se
 offerunt. Vnde hoc? desursum vti-
 que à patre luminum, à quo omne
 datum optimum, & omne donum
 perfectum descendit. Annon in
 mulieribus istis innouata sunt signa,
 & mirabilia immutata? Accepimus
 namque, quod prædictæ mulieres,
 & ipsarum sociæ, & sequaces, decre-
 uerunt suorum largitione bonorum
 per viam marini Estolij præfatæ Ter-
 ræ statui subuenire sub ductu dile-
 ctorum filiorum nobilium viro-
 rum Benedicti Zacharię, Iacobi Lemel-
 lini, Lanfranci Tartari, & Ioannis

Blanci, ciuium Ianuensium, & non-
 nullę ipsarum fœmineos animos su-
 pergressę, ad perfectiora feruntur, dis-
 ponentes personaliter in particulari
 quasi passagio transfretare, ad exhi-
 bendum obsequia bellatoribus Cru-
 ci fixi, per quos Christianitatis hostes,
 auxiliante Deo, poterunt impugna-
 ri, & in ipsa terra morari, ad calcan-
 das huius mundi passiones, potiùs
 affligi eligentes cum populo Dei,
 quam temporalis vitę iucunditatem
 habere, aspicientes in remunera-
 tionem, quam oculus non vidit, nec
 auris audiuit, & in cor hominis non
 ascendit. Cum igitur tam lumino-
 sa opera non sint ponenda sub mo-
 dio, sed super candelabrum, vt ea,
 qui sunt in domo Dei videant, &
 prouocentur ad imitationem ipso-
 rum; discretionitue per Apostolica
 scripta mandamus, quatenus, con-
 gregatis clero, & populo Ianuensi
 ad

ad eorum deducas notitiam supradicta, & ad imitandum tam salubria opera secundum à Deo tibi concessam prudentiam, inducas eosdem, & tam in ciuitate Ianuen; quam in eius Prouincia, riparia, & districtu, per te, vel alium, seu alios, ea denunties, & denunciari facias, prout uideris expedire. Ceterum nolumus te latere, quod in adiutorium tam fructuosi negotij porrecte sunt nobis nonnullę petitiones pro parte virorum, & nobilium mulierum predictarum, quas prout expedire ipsi negotio uidimus, duximus liberaliter admittendas, prout in alijs nostris litteris continetur; & volumus quod hoc etiam per te, vel alium, seu alios deducas in publicam notitiam, diligenter in premissis te taliter habiturus, quod exinde retributionis eterne premium consequaris à Deo, & nos tuam prudentiam commendare

150 DE GENV. REIP.

possimus. Qualiter autem processeris in premissis & utilitatem, & fructus, quos prouenturos ex his, Deo auctore, confides, nobis seriosius rescribas. Datum Anagninæ quinto Idus Augusti anno septimo.

*NOBILIBVS VIRIS BENEDI-
cto Zacharia, Lanfranco Tartaro,
Iacobo Lomellino, & Ioanni
Blanco Cinibus Ianuen.*

R Eceptis literis vestris per dilectum filium Fr. Philippum Saonen. Lectorem Ordinis Fratrum Minorum, ipsarumque considerato tenore, ac diligenter auditis, quæ dictus Frater nobis exposuit Oraculo viuæ vocis, exultauit cor nostrum in Domino, magna nobis ex ijs lætitiæ materia præbita, admirationis, & laudis. Sanè attendentes deuotionis feruorem, charitatis incendium,

DIGNITATE 151

dium, sanctumque propositum nobilium mulierum A. de Carmendino, I. de Ghisulphis, M. de Grimaldis, C. Francæ, A. de Auria, S. Spinulæ, S. & P. de Cibo, P. de Caris, & multarum aliarum mulierum sociarum, & sequacium Ianuen; quæ diuinitus inspiratæ ordinauerunt per succursum marini Stoliij sub vestro ducatu, Terræ Sanctæ statui miserabili subuenire, per particulare passagiū, celeriter auctore Domino faciendum, petitionibus quibusdam per eundem Fratrem pro vestra, & ipsarum nobilium mulierum parte porrectis, sicut decuit, & expedire vidimus tanto negotio, duximus annuendum, prout hoc expressius in alijs nostris literis continetur. Nobilitatem itaque vestram monemus, rogamus, & hortamur, attentè obsecrantes in Filio Dei Patris, quatenus cum dictarum mulierum subsi-

dio aperiatis viscera pietatis ad di-
 etæ Terræ succursum, sicut athletæ
 strenui Crucifixi, vt in præsentī di-
 uinam consequamini gratiam, & in
 futuro gloriam sempiternam, & sic,
 diuina vobis, & mulieribus ipsis assi-
 stente virtute, in instanti autumno
 possit huiusmodi particulare passa-
 gium fieri, quod multum nobis esset
 acceptum. Tu Benedicte Zacha-
 ria, qui fuisti nobis familiarior ab an-
 tiquo, cum vno ex prædictis nobili-
 bus tuis consocijs, hoc facto, ad præ-
 sentiam nostram accedas, præcedēs
 dictum Stolum aliquibus diebus, vt
 tu, & socius per nos possitis super
 agendis plenius informari, & circa
 Romanam, vel Terræ laboris pla-
 giam iungi Stolio memorato. Da-
 tum vt supra.

*DILECTIS IN CHRISTO FI-
liabus nobilibus Mulieribus A. de
Carmendino, I. de Ghisulphis, M. de
Grimaldis, C. Franca, A. de Au-
ria, S. Spinule, S. & P. de Cibo,
P. de Caris, & alijs earum
sociabus, & sequa-
cibus Ianuen.*

EX vestrarum, & dilectorum fi-
liorum nobilium virorum Be-
nedicti Zacharie, Iacobi Lomellini,
Lanfranchi Tartari, & Ioannis Blan-
ci cinium Ianuensium literarum te-
noribus, & relatione dilecti Filij Fr.
Philippi Saonen. Lectoris Ordinis
Minorum percepimus, quod vos, &
aliæ quamplurimæ mulieres Ciuita-
tis Ianuen. diuino spiritu inflamma-
tæ prouidè attendentes quod Cala-
nus Magnus Tartarorum Imperator
cum multitudine sui exercitus, licet

paganus, regnum Hierosolymitanū
 intrauerit ad expellendos de Terra
 Sancta Soldanum Babilonicum, eius-
 que sequaces incredulos, ut, ea Chri-
 stiano cultui restituta, cantica Domi-
 ni decantarentur in ipsa exultatio-
 nis, & laudis; quodque Reges, &
 Principes, & alij Christiani poten-
 tes, & ad arma doctissimi, ad subue-
 niendum dictæ Terræ, pietatis quo-
 dammodo viscera clausisse videtur,
 obturantes aures suas clamoribus
 exulum, qui Terram ipsam hactenus
 habitarunt, quorum, rauæ factæ
 sunt fauces in expetendo lacryma-
 biliter Terræ sæpèdictæ illi succurri,
 induitis mente viros in corpore
 fragili, decernentes sibi vestrorū lar-
 gitione honorum per viam marini
 Estolij subuenire sub ducatu Nobi-
 lium prædictorum, & nonnullæ ve-
 strū, scemineos animos supergressæ,
 ad perfectiora feruntur, disponentes
 in

in singulari quasi passagio transfretare; &c. ut in Bulia 53. Ut reformato corpore humilitatis earum; confirmetur Christi Corpori claritatis secundum operationem, qua post etiam subijcere sibi omnia, qui in Cælis sedens ad dexteram Dei patris interpellat pro nobis, & exauditur pro sua reuerentia. Non enim Pater æternus denagare quicquam potest Filio coeterno. Deuotionem igitur vestram, & charitatis incendium, sanctumque propositum dignis in Domino laudibus commendantes, desiderijs vestris libenter occurrimus, & nonnullas petitiones ad robur, & iuuamen negotij pro parte vestra petitis à vobis, ad exauditionis gratiam, prout decet, & expediens vidimus, liberaliter duximus admittendas, prout in alijs nostris literis super hoc confectis plenius continetur; sperantes in Domi-

no, quod multiplicabit vobis socias,
& alia tribuet incrementa, per quæ
recuperabitur dicta Terra, & resti-
tuetur cultui Christiano, quam Do-
minus proprio sanguine cōsecrauit,
& ipso largiente, qui potest, vobis
multiplicabitur gratia, in presenti, &
co dūce, qui nouit, peruenietis ad
æternam gloriam in futuro. Datum
ut supra.

III. Ex eodem Spondano omit-
tendum non est factum cuiusdam
mercatoris Genuensis, cui nomen
Inghetio, quod, æstimantibus, mira-
bile, nouamq; apparebit. Sponda-
ni verba sunt hæc: *Eodem hoc anno*
(1280. num. 10.) quamplurimi He-
brai apud Insulam Maioricam, ut re-
fert Nebiensis, Christianæ religioni
nomen dederunt, opera Inghetij, mer-
catoris Genuensis, qui, cum eā com-
mercij occasione appulisset, & fortè
cum Iudais in disputationem de fide
inci-

incidisset, quamquam omnis literaturæ planè rudis, tantum tamen prævaluit virtute Spiritus Sancti, ut Iudæorum crudelitissimos, etiamque ex Aragonia euocatos, conuictos, multosque redditos, fidem amplecti compulerit.

IV. Tandem, quando narratio ad singulorum facta deuenit, Gepuæ, eiusque Dominium summos viros omnis generis genuerunt: plures Romanos Pontifices; in primis Innocentium IV., eiusque fratris filium Hadrianū V. Fliscos, inter paucos eximios; Innocentium præcipue, qui Dei Ecclesiam armavit legibus, sapientia rexit, & victricibus vltis est armis; quibus nec defuturus fuit Hadrianus, si vita æquè suffecisset, ac virtus. Sixtum IV., & Iulium II. fratris filium de Ruere, Pontifices magni nominis, quibus multum debet Ecclesiæ: Innocentium VIII. de

Cybo, inter hos medium, qui meruit vel à Baiazete, Turcarum Imperatore coli, atque eo ferro lanceæ donari, quo Christi latus apertum est: Imò à Deo ipso augeri titulo Sanctæ Crucis, cum triplici inscriptione, eo Pontifice Romæ inuento. Insuper Urbanum VII. Castaneam, qui consumatus in breui, expleuit tempora multa, atque ex ijs, quæ non fecit, ea, quæ facturus fuisset, ostendit. Siquidem omnium aliorum propinquiorem consanguineum Petrum Millinum (Ioannis Garziæ, postea à Paulo V. creati Cardinalis fratrem natu maiorem) electionis suæ tempore in Lusitania spoliiorum Ecclesiasticorum Collectorem, quem Aulæ vniuersa vocabat ad Purpuram, dominatricem, quemque ipsius Pontificis fessæ senectæ, & affecta valetudo, vti necessarium adminiculum flagitabat; vix ad Nuncij Hispanici mu-

munus admouit ; vnico vsus ad omnium de purpura sermones responso, *Si mei non dominati fuerint , tunc immaculatus ero, & emundabor à delicto maximo* . Qua animi firmitudine meruit duodecimo Pontificatus die ab ærumnis vitæ mortalis , vt omninò sperandum est , ad immortalis bona transferri. Omnes hi Christi Vicarij ex familijs patritijs, atque in Genuensi ciuitate primarijs . Dominium verò Genuense ex Vrbe Luna, atque ex Sarzana, duos itidem Romanos Pontifices , Sanctum Eutichianum , Christi martyrem, & Nicolaum V. Pontificem laudatissimū, & omni laudi parum , dedit Ecclesiæ . Liguria Ælium Pertinacem , & Proculum Imperatores dedit Imperio . Genua , atque Liguria, innumeris purpuratis patribus , ijsque egregijs , Ecclesiam auxit . Sed, quod caput est, Genua, post acceptam

tam à Sancto Barnaba Apostolo, Sanctisque Nazario, & Celso Christi fidem, numquam ab Ecclesia Romana desciuit, adeoque numquam sanguine Martyrum maculata est; ac contra proprio sanguine purpurata, ab Saracenis anno 936., & ab Solimano anno 1566., vt supra retulimus: Sed omnibus annis, omnibusque seculis

V. Genua pluribus Sanctis Martyribus, & Confessoribus auxit aulam Cælestem: Sanctis quinque Antistitibus suis, scilicet sanguinis Salomone, Felice, Syro, Romulo, Valentinio. Insuper Ioanne, agnomine Bono, Antistite Mediolanensi, Desiderio Episcopo Lingonensi, & Christi martyre, Secundino, & Vreicino martyribus, Alberto Monacho, Alexandro Saulio Episcopo Papiensi, Catharina Elisca nupta viro de domo Adurnorum, Beato Iacobo de

Vo-

Voragine: Nōstra autem memoria
 Carolo Spinula ē Societate Iesu, len-
 to igne in Iaponia consumpto. De-
 dit etiam Genua Sanctæ Ecclesiæ
 Ioannem Augustinum Adurnū no-
 stro seculo Clericorum minorum
 fundatorem, ex qua religiosorum fa-
 milia Dei cultus doctrinis; ac vitæ
 sanctitate, & modò illustratur, & dein-
 cept magis illustrandus speratur.

VI. Ex Genuensi nobilitate An-
 dronicus, Græcorum Imperator, Ar-
 gentinam Spinulam Theodoro filio,
 Montis ferrati Marchioni, coniu-
 gem asciuit; Constantinus Impera-
 tor Æcatharinam Gatilufiam, Prin-
 cipis Lesbij Genuensis filiam, duxit
 uxorem, qui Princeps per eadem fe-
 rè tempora Mariam Iustinianam, fi-
 liam Paridis, qui vnus erat ex ijs, qui
 Chium Insulam tenebant, coniugē
 sumpserat, atque huius generis con-
 nubia multa, æquē splendida. Tho-

mas, Sabaudia tunc Comes, aliquando cum aliquo equitatu Reipublicæ Genuensi stipendia fecit.

VII. Ex hac Patria Christophorus Columbus dedit innumeris mortalibus, Deum ignorantibus, Cælum novum, imò, iuxta sui nominis etymologiam, ipsum Christum Deum, quando eius remigio alarum Evangelium Regni transmisit Oceanum. Si Alexandro Macedoni Christophorus Dux contigisset, Oceanus, iam inde ab rerum initio parturiens, alterum, occidentalem scilicet Orbem, in Macedonia sinum effudisset. Sed digna superbo Regis hiatu ingesta, ossa, illum quantumvis avidis faucibus, solidum deglutire Orbem veterem non valentem, intercluso vitali spiritu, præfocasset: Monarchia enim Dei solius est.

Andreas de Orta Tyrreni maris arbiter fuit, imò ferè mediterranei; à

Ca-

Carolo V. Imperatore patris nomine cohonestatus, patris Patriæ, ac eiusdem liberatoris appellationem meritò consecutus, eiusdemque Libertatis Conseruatoris gloriam (blādis, sed validistanti, & sibi indulgentissimi Imperatoris conatibus obstinato animo resistendo) promeritus; Dignus omninò per quem Respublica inciperet, nec desineret.

Postremò Ambrosius Spinula, ab Rege Hispaniarum Dux assumptus in Belgio, mox in Germania, tandem in Italia, ei Ducatum adedò feliciter commodauit, ut multas Vrbes munitissimas expugnauerit, integras Prouincias in potestatem redegerit, semper victor, certè nunquam victus, triginta ferè annis in illo Duce eximie virtuti ancillante fortuna.

Operosum esset nimis egregios Genuenses Duces omnes, eorumque facta recensere, neque huius
ope:

operis; sed ab omnibus traduntur historicis, & apud Genuenses Scriptores eadem non inuenimus magnificentius iactata, quàm veriùs.

VIII. Dignitatem ergò Genuensis Reipublicæ à Dominio, à Gubernatione, à Potentia, à rebus gestis, & auctarij loco à Viris Illustribus nobis commodè deriuasse videmur. Nec magnificimus quosdam, qui, alienæ gloriæ oblatrare non desinunt, atque Genuensibus, suæ Reipublicæ Regios honores asserentibus, multa vel falsa obijciunt, vel furilia, negantes Corsicam Insulam Regni titulo decoratam, cum vnum tantum, præter alias probationes luce clariiores, ad hoc probandum sufficiat, nempe Catholici Regis auctoritas, qui in Regnorum titulis Regem se Sardinia, Cordubæ, & Corsicæ, hoc omninò verborum ordine, profitetur: Negantes itidem eidem Reipublicæ

cæ Ligustici maris Imperium, quod
 illi omnes historiarum scriptores,
 omnesque Iurisperiti adiudicant,
 quodque Genuenses sibi tanto suo,
 ac Saracenorum sanguine pepere-
 runt. Præterquamquod, si idem
 Catholicus Rex Regem se fert eius-
 dem Corsicæ, quam nunquam ha-
 buit, si Hierosolymæ, quam nec per
 se, nec per suos Duces aspexit; si ma-
 gnæ Britannicæ Rex se scribit Fran-
 ciæ Regem, quod aliquam eius par-
 tem aliquando occupauerit; si Hun-
 garicæ Rex titulum meritò conser-
 uat Regni, cuius pars, longè maior
 possidetur ab Imperatore Turca-
 rum; Si denique Sabaudicæ Dux Cy-
 pri Regium titulum prætulit, quã-
 uis Regno nūquam potius sit; Mul-
 tò magis Genuensis Respublica, quæ
 Cyprum cepit, mox Regi, tributa-
 rio sibi constituto, restituit, Fama-
 Augusta retenta, ac nonaginta an-
 nis

nis posſeſſa , quæ cepit Cretam , Sar-
 diniam , Maioricam , Minoricam ,
 Eubream , Leſbum , Melitam , quæ
 Chium , Smyrnam , Achaïam , Teo-
 doſiam , atque ad Pontum , Euxi-
 num , Meotidemq; Paludem
 Vrbes, ac Prouincias , quas
 retulimus, diutiſſimè poſ-
 ſedit , atq; pluries ad-
 uerſus Imperato-
 rum , Regum-
 que maxi-
 mos
 conatus aſſeruit ; Regios ho-
 nores iure optinere ſibi
 quaſiuit, & iam
 in
 pluribus Aulis Re-
 gijs eſt adept-
 a.

FINIS.

GENVÆ, 167

Apud Petrum Ioannem Ca-
lenzanum, in Platea noua.



MDC LXVI.

Superiorum Permissu.

GEN. 1. 1.

A full and complete
history of the world



1700

1700

ERRATA. CORRIGE.

Pag. lin.

41. 19. Prætorio Prætorē

45. antepen. pœnes penes

80. 12. accipiente accipientes
fruge fruges

13. merce merces

96. 11. t :

100. 18. Deo Deo,

131. 3. hæ hæ

Verbum *planicies* lege *planities*

In diphtongis erratum sæpe .

Erratum vero omniū maximum
est cap. 3. sectione 1. num. 4. pag.
78. post verba *existat adiutrix* inte-
gram periodum excidisse , quæ se-
quitur .

SEd & Speculator adstat desuper
in colle, sito in media Vrbe, in
templo Diui Bartholomæi , Imago
scilicet Christi Domini , non manu-
facta , sed in Sudario , admoto Di-
uino vultui manu ipsius Saluatoris
im-

impressa, atque eiusdem iussu ad
 Agbarum, Edessæ Regem, perla-
 ta; quæ olim, Genuensium quæsi-
 ta victorijs, Genuæ multa bona &
 præstitit, & promisit: de qua vi-
 denda sunt, quæ tradit Baron. anno
 31. num. 22. & 23., & Augustinus
 Calcagninus in libro Genuæ anno
 1639. typis dato, de Imagine Edef-
 sena.











005655595

me

